



歷代名賢列女氏姓譜卷之八十八

湘鄉

蕭智漢雲澤氏纂輯

男秉信明甫氏校

下平聲

七陽

張氏

宋

張希顏景德間知萍鄉縣時張詠問殿直范延貴曾見好官員否延貴稱希顏詠問何以知之答曰昨過其境驛傳橋道皆修葺野無惰農士無賭博市易不喧夜宿邸中更鼓分明以是知其為好官員也詠乃薦于朝

張錫字貺之先京兆人曾祖山甫從唐僖宗入蜀蜀平徙家漢陽錫登甲科由校書郎知南昌以循良稱遷著作郎知新州初建學校教人習進士舉始知勤學轉太常博士氏姓譜

卷八

七陽

張氏

監染院詔選能吏治畿縣復知東明始至下令吾所治者三強恃力資恃富刑侍贖者吾所先也一時豪勢者屈善弱者伸縣以大治李及薦為監察御史遷殿中侍御史人以其貌柔和而心剛正號真御史俄權三司監鐵判官出為京湖北路轉運使歷兵部員外郎判度支監鐵勾院為京東轉運淄青齊濮鄆諸州人冒耕河壩地數起爭訟命籍其地歲收租絹二十餘萬訟者始息改河北轉運江淮制置發運使名兼侍御史歷度支監鐵副使喪母起復擢天章閣待制以龍圖閣直學士知滑州入為右諫議大夫知審官院率贈工部侍郎錫為人淳重清約勒于為善雖貴奉養如初讀書老而彌篤自經史子集百家之說無不記覽通達初舉廣文館考官任隨擢為第一及隨死無子屢嗣其家

張存字誠之冀州人舉進士爲安肅軍判官天禧中始制
身言書判科存預其選改著作佐郎知朝城縣寇準守大
名異待之中丞王曙薦爲殿中侍御史天聖八年罷百官
轉對存請復之時曹修古等以忤旨廢黜進士林獻可因
上封竄惡地存言自古忠直之諫實預理亂安危之機近
世人臣爲佞者多效忠者少遂使人君多知其美鮮知其
惡至民有疾苦俗有衰弊皆壅而不聞此非人君之要道
也俄歷京東陝西河北轉運使戶部度支副使天章閣待
制爲陝西都轉運使奏黃德和誣劉平朝廷采其說遣文
彥博按治遷龍圖閣直學士知延州以母老憚行降待制
徙澤州踰年復學士知成德軍言河北城久不治乃以爲
都轉運使盡城諸州入知開封坐失察王則反降知汀州
存壻李敷弟教因醉爲妖言奪職徙池州改郴州久之遷

氏姓譜

卷八

七陽

張氏

一

吏部侍郎拜禮部尙書致仕卒年八十八諡恭安存性孝
友每言兄弟手足妻妾外人奈何先外人而後手足乎故
嘗收恤宗屬嫁聘窮嫠不使一人失所家居矜莊子孫非
正衣冠不見與賓客燕接危坐終日未嘗傾倚棗疆河決
勢逼冀城存自以爲民望訖不肯徙卒亦無事

張舜民字芸叟邠州人登進士爲襄崇令忿熙寧更制上
言裕民所以窮民強內所以弱內辟國所以威國恥以堂
堂天下而與小民爭利時皆壯之元豐中辟掌環慶高遵
裕機密文字坐無功謫監郴州酒稅哲宗立赦還司馬光
薦其才氣秀異剛直敢言擢館閣校勘除監察御史論西
夏彊臣爭權當興師問罪不宜加封乾順文彥博不當遣
劉奉世往使左遷監登聞鼓院尋通判號州提點秦鳳刑
獄復名爲殿中侍御史歷陝西轉運使知陝潭青三州元

符中罷職徽宗立擢右諫議大夫甫七日上章言六十事
歷陳陝西之弊涇朔之困言多剴切徙吏部侍郎帝諭曾
布誅毀神考第一是豐稷其次舜民乃以龍圖閣待制出
知定州改同州入黨籍謫楚州團練副使商州安置復集
賢殿修撰卒舜民慷慨喜論事善爲文自號浮休居士初
見遼太孫禧好音樂美姝名茶古畫以爲他日必有如唐
張義潮挈十三州來歸者不四十年當見之後如其言紹
興中追贈寶文閣直學士

張汝明字舜文廬陵人徙真州少嗜學刻意爲文下筆輒
千百言入太學有聲司業黃隱將妻以子預約無飾華侈
力承親歡然後受室登進士歷亳州鹿邑丞母病疽更數
醫不效乃刺血調藥傅之而愈江陰尉貧且病部使者繩
以法汝明爲醫囊中裝代償市直遣之華陰修嶽廟民德

氏姓譜

卷八

七陽

張氏

三

其不擾相與出力佐役如期而成他非典祀者毀之而懲
其巫祝汝明沉滯州縣凡二十年無一語干進故無薦者
大觀中名寘學制局預考貢士去取皆有題品改宣教郎
擢監察御史攝殿中侍御史劾政府市恩招權以蔡京爲
首帝獎其介直京頗畏憚徙司馬員外郎猶虞其復用力
排之出通判寧化軍地界遼文移往來以名觸其諱責監
壽州麻步場轉簽書漢陽判官田法行受賂往按時主者
多不親行汝明獨躬臨閱實雖雨雪不渝以故吏不得通
賂謝而稅均于一路晚知岳州屬邑得古編鐘求獻辭曰
天子以千里寄托懼不能仰承德意敢越職幸賞乎性至
孝執喪水漿不入口三日餘飯脫粟飲水不受醯鹽草木
之滋寢乃病羸行輒仆踏夢交授以服天南星法用之有
驗人謂孝感所致卒年五十四爲學精研象數貫穿經史

百家著書不蹈襲前人語有易素書張子扈言行世

張致遠字子猷沙縣人登政和進士范宗尹薦名對擢樞密院計議官時建寇范汝爲雖降猶懷反側賂招安官謝嚮陸棠陰爲耳目致遠請告歸知其情還白執政請鋤其根柢于是捕嚮棠及制司屬官施宜生付獄除孟庚福建宣撫副以韓世忠辟致遠隨軍機宜文字賊平擢兩浙運判改廣東招降劇盜曾衮等締興四年除殿中侍御史言朝廷折納絹錢本欲少寬民力今江西帥胡世將比舊輒增其半是反乘民急而取之詔從減折入對贊趙鼎勸上親征之議帝意始決遷侍御史復言聚財養兵皆出民力善理財者宜固邦本請精擇三司使副罷福建權益合常平茶塩爲一官合計經常量入爲出先務省節次及經理諸戶部講究明年除給事中以母老丐外除顯謨閣待制

氏姓譜

卷八

七陽

張氏

四

知台州時海寇鄭廣未平改知福州六年八月廣等降選留四百人置營城外餘遣還業因遣廣討他郡諸盜數月悉平再名爲給事中出知廣州致仕卒年五十八致遠鯁亮有學識歷踐臺省言論風旨卓然可觀

張禹珪字天錫鐸孫也粗知書有方畧幼事太宗藩邸卽位補東西班承旨改殿直帶御器械以材勇擢居禁衛殿前都虞侯咸平初授內殿直領恩州刺史出爲滁州刺史知洛瀛二州兼兵馬鈐轄徙嵐州西人勒厥麻叛率衆討之俘六千餘人獲名馬孳畜甚衆景德初授高陽闕行營副都部署契丹請和選守臣武幹能鎮靜邊郡者擢知石州徙代充澶三州禹珪頗勤政治瑞麥生獄空連詔嘉獎河決率人徒障塞不甚爲害王旦使充還言其狀優詔褒獎就拜洛州團練使尋知廣信軍天禧初卒年五十九

張藏英范陽人唐相嘉貞後唐末舉族爲賊孫居道所害
藏英年十七僅以身免後逢居道于幽州市引佩刀刺之
不死爲吏所執節帥趙德鈞壯之釋而不問以補牙職聞
居道遁闕南求爲都巡檢使至則微服攜鐵槌潛匿舍側
伺居道出擊仆于地先齧其耳噉之擒以歸設父母位縛
居道筵前號泣鞭之禱其肉三日刻心以祭徐詣官首服
諡免死燕劄間目爲報仇張孝子宋初遷瀛州團練使并
護闕南軍建隆三年卒治所年六十九子喬蔭補供奉官
張鑑字德明藏英孫也幼嗜學登進士官大理評事遷著
作郎監察御史決獄江左頗雪冤滯歷殿中侍御史太宗
討幽州極言不可時以燕人沮議非之後果驗命掌左藏
判三司度支請併三部憑田催欠爲一從之李惟清薦其
能擢江南轉運使建議割瑞州清江吉州新淦袁州新喻

氏姓譜

卷八

七陽

張氏

五

三縣置臨江軍時以爲便名還特被慰獎累遷樞密直學
士掌三班詔磨勘供奉官以下校其殿最以爲沮勸會三
司奏分左右計鑑以爲非便尋詔復舊張詠密奏王繼恩
司蜀治軍無政遣鑑與作坊使馮守規往訊鑑言益部新
復軍旅不和若驟聞使命慮猜懼變生不測請假臣安撫
之名上稱善至卽遣戍卒出境令麾下使臣東還督繼恩
分部殘寇招輯反側事平拜左諫議大夫久之五路進兵
討西夏令乘傳往環州與李繼隆議護送芻糧入靈州詔
以軍法從事饋運頗集還言闕輔民窮力盡靈州僻居絕
塞實中夏蠹區願陛下以賜繼遷稍息飛輓之役無使重
勞真宗遷給事中工部侍郎出知廣州羣蠻數擾鑑名首
豪諭以威信皆俯伏聽命民條其政績上請刻石溪洞移
知朗州徙相州有芝草生于監牧之室鑑表其祥以爲河

朔弭兵歎附之兆優詔答之景德初卒年五十八子士廉
爲殿中丞士宗太子洗馬士成屯田員外郎

張錫閩縣人梁末棣州刺史劉君鐸辟爲軍事判官棣爲
鄆之屬郡有麴務鄆帥主以牙將頗橫恣民有麴三斤欲
寘于死君鐸不能救旣而牙將私造事覺錫判曰麴犯三
斤求生不克麥盜百斛免死誠難遂寘牙將于法同光末
權知州事趙在禮反瀕河諸州多構亂錫卽出省錢賞軍
皆大悅一郡獨全棣人賴之後爲淄川令不畏強禦專務
愛民刺史有所徵不答頗以爲怨及代白其事于宰相馮
道知錫介直奏擢監察御史出爲陝虢觀察判官周顯德
中以老疾授右諫議大夫致仕宋初改給事中范質嘗兄
事之歸于別墅以執政之門不欲久處往依鄉人鄧州觀
察判官黃保緒建隆二年六月卒于穰下

氏姓譜

卷八八

七陽

張氏

六

張質字守朴高唐人少孤養于兄贊爲樞密院典謁質因
得隸兵房爲趙普曹彬所知太宗征河東還駐鎮陽兵籍
阻留在後日夕有所調發質潛計兵數部分軍馬得籍較
之悉無差謬累遷本房副都丞旨咸平初授左監門衛將
軍樞密吏職繁多皆以年勞次補有至主事而盲于其職
者景德三年內出公事三條令主事以下詳決之質與禮
房副承旨尹德潤宿御書院考第翌日上親臨閱視凡經
選補崇班供奉官奉職者十餘人不中式四十餘人加贊
月俸後歷右屯衛右神武軍右衛三大將軍祥符七年轉
都承旨上知其廉謹特授是官在樞要凡五十年練習事
程精敏端慤未嘗有過上嘗名問五代以降洎國初軍籍
更易之制且命條具利害纂爲三篇目曰兵要以進上覽
而稱善質好養生之術老而不衰卒年七十四錄其子大

理評事純衛尉寺丞孫思道三班奉職

張平青州臨朐人弱冠寓單州依刺史羅金山署馬步都虞侯太宗尹京置邸中及秦王領郡署爲親吏有譖匿府中錢物者王白鞠之無狀因不喜遣去太宗憐其非罪以屬徐帥高繼冲署爲鎮將卽位名補右班殿直監市秦隴木更立制度建都務計水陸之費以春秋二時聯巨筏自渭達河歷砥柱以集于京期歲之間良材山積上嘉其功遷供奉官監陽平都水務兼造船塲舊因河流湍悍凡調三戶共守一舟歲役數千戶至平穿池引水繫舟其中不復調民有寇陽拔萃者往來闕輔間積年爲患朝命內侍督數州兵討之不克平遣人以好辭說降改崇儀副使仍領務凡九年計省官錢八十萬緡雍熙初名還同知三班院事遷如京使連擢西上閣門客省蓋鐵三使以陝西轉

氏姓譜

卷八

七陽

張氏

七

運李安發其舊事憂志成疾而卒年六十三贈右千牛衛上將軍平寬厚不念舊惡性好書史微時盡日耽玩及貴聚書數千卷嘗歎秦王事始雖命蹇後未必不爲福已而果然子從式亦事晋郎累官文思使

張凝滄州無棣人少倜儻武力自任與鄉人角勝負約築土百步射之凝一發洞過矢激十許步抵大樹而止觀者歎服節帥張美壯之太宗居藩聞其名以隸親衛卽位補殿前指揮使稍遷散員都虞候淳化初以材幹授洛苑使領繡州刺史賜襲衣金帶每頒賚必異等出爲天雄駐泊都監真宗加莊宅使遷北作坊使咸平初與契丹戰挺身陷敵子昭遠年十六單騎疾呼笑入陣中挾凝以出左右披靡不敢動明年遼兵大至凝與范廷召分據莫州東斷其歸路敵宵遁縱兵擊奪盡還所掠資口徙鎮定高陽關

前陣鈴轄遷趙州刺史四年召還爲邢寧環慶靈州路副
部署兼安撫使時斥堠數擾運使劉綜懼飛輓不給問計
于凝凝曰今當深入因敵資糧不足慮也乃自白豹鎮率
兵入敵境生擒賊將燒蕩三百餘帳取芻糧八萬解斬首
五千餘獲牛馬器甲二萬降九百餘人因襲破慶州蕃族
胡家門等又入州原分水嶺柔遠鎮熟戶與生羌錯居頗
爲誘脅凝引兵降峇駱等百七十餘族合四千戶邊境獲
安就加寧州團練使景德初遷本州防禦使代楊嗣爲定
州路行營副部署徙保州駐泊兼北面安撫使時總帥王
超以大兵頓中山議擇凝與魏能田敏楊延昭分握精騎
深入幽易以牽敵勢超請悉隸所部上不許曰朝廷本設
奇兵撓敵心腹若復取裁大將無以責效魏能逗撓不前
衆憤皆責讓能凝獨無言徐曰能廳材剛愎可優容之若

氏姓譜

卷八

七陽

張氏

八

令心不自安非計也上嘉其有識車駕幸澶淵凝率衆抵
易州爲緣邊安撫使提兵躡契丹後敵不敢肆復改高陽
關部署明年就加殿前都虞候卒凝忠勇自負好功名累
任西北善訓士卒繕完器仗前後賞賜多以犒師京師無
居第上悼惜之贈彰德軍節度遣中使護喪官給葬事厚
卹其家

張叔夜者孫也字稽仲初陰蘭州錄事參軍蘭州地極邊
恃河爲固每河冰合輒戒嚴士不釋甲者累月叔夜以爲
非計欲求要地以守有大都者介五路之間羌入寇必至
彼點集然後議所向乃按其形勢建西安州自是蘭無羌
患擢知襄城陳留二縣以蔣之奇薦歷知安肅軍舒海秦
三州大觀中獻文名試制誥賜進士出身遷右司使遠還
圖上山川城郭服器儀範五篇從弟克公彈蔡京京遷怒

叔夜貶監西安草場京罷名爲秘書少監擢中書舍人給事中極陳吏惰不虔之弊先時命出門下預列使銜徐墳其事謂之空黃至是盡革之進禮部侍郎京復相以徽猷閣待制再知海州劇盜宋江起河朔轉畧十郡官軍莫敢櫻其鋒至是徑趨海瀕劫鉅舟十餘載所鹵獲叔夜募死士千人設伏近城而出輕兵距海誘之伺兵合舉火焚舟賊還顧鹵獲皆無鬪志伏兵乘之擒其副賊江乃降加直學士知濟南府羣盜猝至叔夜度力不敵乃取舊赦文令郵卒傳至郡聲言赦至賊聞小憊夜發卒乘其惰擊之盜奔潰追斬數千級以功進龍圖閣直學士知青州靖康初乞假騎兵並力斷金人歸路不報徙鄧州時四道置師令叔夜領南道都總管金兵再至詔趨入衛卽自將中軍子伯奮將前軍仲熊將後軍合三萬人至尉氏與金游兵遇

氏姓譜

卷八

七陽

張氏

九

轉戰而前十一月晦至都欽宗御南薰門見之軍容甚整入對請暫詣襄陽以圖幸雍帝領之加延康殿學士陳兵玉津園鎧甲光明帝登城叔夜率諸將拜舞城下帝益喜進資政殿學士令以兵入城俄拜簽書樞密院事連四日大戰斬其金環貴將二人帝嘉其功用蠟書檄告諸道城陷叔夜被劊猶父子力戰車駕再出劔叔夜叩馬號慟衆軍皆哭帝回首字之曰稽仲弩力金人議立異姓叔夜語孫傳曰今日之事有死而已移書金帥請立太子以從民望金帥怒追赴軍中至則抗請如初遂驅以北道中卽不食旣次白溝馭者曰已過界河矣叔夜矍然起仰天大呼不復語明日卒年六十三詔贈開府儀同三司諡忠文張孜初名茂實以諱改今名母爲悼獻太子乳母孜方襁褓真宗以付內侍張景宗合謹視之養以爲子蔭補三班

奉職給事春坊司轉殿直五遷至供備庫使恩州團練使歷知莫貝瀛三州爲人安重習事運使張益之奏罷冀貝驍捷軍士上闕銀錢又罷保州雲翼別給錢孜皆力止之不聽軍果怨叛尋副富弼使契丹以勞累遷并代副都總管河東更鐵錢人情疑貳部兵相率扣府門閉不納幾爲亂孜策馬從數騎往諭之皆散還營遷濟州防禦使侍衛馬軍都虞候轉殿前司加桂州觀察使虎翼兵十餘人乘夜大譟欲爲變孜擒首惡斬之然後聞遷昭信軍節度觀察留後侍衛馬步軍副都指揮使中丞韓絳論孜自幼長于禁中頗涉疑似請罷兵柄出爲寧遠軍節度使知潞州徙陳州仁宗復名孜絳疑富弼引之奏請黜弼弼引咎求罷然進擬實不自弼絳坐謫蔡州孜尋亦出知曹州卒贈太尉諡曰勤惠

氏姓譜

卷八

七陽 張氏

十

張綸字公信穎州汝陰人少侷儻任氣補三班奉職遷右班殿直從討王均以功遷右侍禁慶州兵馬監押擢閣門祇候益彰簡等州都巡檢使部卒縱酒掠居民綸斬其首惡數人徙荊州提點刑獄遷東頭供奉官提點開封府界縣鎮公事使靈夏還擢知辰州會溪洞彭氏蠻內寇綸築蓬山驛賊路不通遁去徙知渭州改內殿崇班知鎮戎軍蠻復入寇再爲辰澧鼎等州緣邊五溪十峒巡檢安撫使諭蠻酋禍福還所掠民遣官與盟刻石示信久之拜江淮制置發運副使奏除通秦楚三州鹽戶宿逋官助器用鹽入優與之直歲增課數十萬復于杭秀海三州置鹽場歲入課百五十萬居二歲增上供米八十萬疏五渠導太湖入于海復租米六十萬開長蘆西河以避覆舟之患又築漕河堤二百里于高郵北旁錮鉅石爲十碇以泄橫流秦

州有捍海堰延袤百五十里久廢不治歲患海濤盲民田
綸議修復論者難之表三請願身自臨彼遂命兼知泰州
堰旣成州民利之爲立生祠居淮南六年遷文思使昭州
刺史爲契丹隆緒弔慰副使歷知秦瀛滄州再遷東上閤
門使眞拜乾州刺史徙知穎州卒綸有材畧所至興利除
害性復寬恕喜施予每見漕卒陳餒道死輒推俸錢市絮
襦千數衣之

張佶初名志言字仲雅本燕人徙渭南父昉有史材歷知
雜御史省郎至殿中少監佶少有志節蔭補殿前承旨以
習儒獻文求試換國子監丞遷著作佐郎監三白渠知涇
陽縣端拱初爲右贊善大夫命按曹州民被誣殺人者發
植姦伏民寃得雪咸平初爲陝西運副賜緋魚至延安遇
夏人入寇親督兵擊敗之三年徙西川運副討王均隗餉

氏姓譜

卷八

七陽

張氏

十一

有勞遷虞部員外郎賊平分川陝爲四路授利州路轉運
使有薦其武幹者召還授如京使歷涇原麟府鈐轄兼知
鎮戎軍率兵與夏人戰親射殺酋帥俘獲甚衆餘黨遁去
詔書褒獎賜錦袍金帶景德中徙益州鈐轄領宜州刺史
遷文思使御軍撫民頗有威惠蜀人懷之祀汾陰以爲西
京舊城巡檢禮成加北作坊使充趙德明官告使以薦知
秦州置四門砦開拓疆境時朝廷方務寧邊以佶輕信易
事邊境數擾徙邠寧路鈐轄天禧初召爲契丹國信副使
再遷西上閤門使涇原鈐轄卒年六十九佶涉獵書史好
吟詠勇敢善射有方畧其總戎護塞以威名自任子宗象
兵部員外郎直史館至度支判官

張若谷字德繇劍州沙縣人登進士調巴州軍事推官遇
蜀寇掠鄰境若谷率衆守禦賊引去更全州眞宗名見改

大理寺丞擢廣寧鑄錢監歲餘所贏三十萬緡擢知處州
歷江湖淮南益州轉運江淮制置發運使入爲三司度支
益鐵副使累遷右諫議大夫知并州朝廷欲通敵情歲以
緡錦令麟府市蕃部馬廢罷已久若谷奏復之馬歲增入
邊戎兩利改提舉諸司庫務歷知澶與揚州成德軍江寧
府入知審官院通進銀臺司糾察在京刑獄移應天府改
龍圖閣學士徙杭州歲飢斥廩設糜以賑權判吏部流內
銓復知洪州所至有循良跡不矯激取名宰相張士遜引
拔累官尙書左丞卒

張傳字巖卿唐功臣公謹後裔祖播任亳州團練副使徙
居于譙傳及第遷著作佐郎知奉符縣方修官觀以辦事
稱向敏中薦知楚州歲飢發上供賑貸活以萬計上章待
罪詔獎之遷江西江東提點刑獄入權三司監鐵判官會
氏姓譜

卷八

七陽

張氏

十一

河決濟北民多被害命安撫京東歷陞三司度支副使後
遷應天以工部侍郎致仕卒傳強力治事七爲監司所至
審覈簿書勾撻奸隱州縣憚之普言吾所以事事致察者
正以愛州縣也吏不敢慢則不復犯法矣天禧中有術士
出入禁中嘗游秦悼王家自言數百歲歷唐肅代朝傳一
見訊以末事惘然語屈人服其智焉

張逸字大隱鄭州滎陽人及第爲校書郎知鄧城有能各
知州謝泌將薦之先設几案置章其上望闕再拜曰老臣
爲朝廷得一良吏他日引對眞宗問欲何官對曰母老在
家願得近鄉一幕職歸奉甘旨足矣授澶州觀察推官母
喪服除帝雅賢泌引對又問改大理寺丞知長水縣留守
王嗣宗厚遇之徙青神貧不能行嗣宗假俸半年使辦裝
旣至興學校教生徒邑人陳希亮楊異相繼登科逸改其

居曰桂枝里縣東南有松柏灘夏秋暴漲多覆舟逸禱于江神不踰月爲徙五里時人異之再遷太常博士進兵部郎中知開封有僧求內降給田逸不許仁宗以爲能守法禁中稍通女謁逸請令官司糾劾從之無何又以樞密直學士知益州至是凡四至其民風熟諳人不敢欺華陽有鬪長殺人誣道旁行者縣吏受財繫誣者反令殺人者守囚囚不敢言逸一見卽曰囚色有寃吾見守者氣不直得非枉乎囚卽叩首決訊果服蜀民驚以爲神會歲早留意賑務壅江儲水以溉民田民大飢禁殺耕牛決配犯者雖遭屢歉不致爲害民思念之未幾卒于官

張旨字仲微河內人父延嘉讀書不仕州上其行賜號嵩山處士旨以保定司法參軍上書運使鍾離願補縣尉捕賊自効瑾奏徙安平尉捕盜三百餘人嘗與賊鬪流矢

氏姓譜

卷八

七陽

張氏

三

中管猶手殺數人擢試校書郎知遂城縣遷著作佐郎明道中淮南飢詣宰相陳救荒之策命知安豐縣募富民出粟以給餓者浚淖河三十里疏泄支流注芍陂爲斗門溉田數萬頃外築堤以備水患再遷太常博士知尉氏縣徙通判忻州元昊反遷屯田員外郎通判府州州舊依山爲險無外城旨回請劄築未就寇遽至乃聯巨木補其罅守以強弩中外不相聞者累月人心震恐旨矯詔出庫中雜綵數千匹賜築城卒皆東望呼萬歲賊疑以爲救至會賊先斷汲路至夜開門令官軍壁兩傍護民出汲賊不敢近又督居民乘城力戰賊死傷者衆方解去以功遷都官員外郎徙知萊州范仲淹歐陽修復言其鷲武有謀除閭門使果遷光祿鄭知潞晉二州以老疾權判西京御史臺卒張洞字仲通祥符人太常少卿惟簡之子軀幹長大眉目

如畫自幼開悟卓犖不羣日者異之謂當以政學顯日誦
千言爲文甚敏未冠睦然有聲遇事慷慨自許以布衣上
討元昊方畧名試舍人院擢將作監簿復登進士調連水
判官親喪改潁州推官民劉甲主使弟柳毆婦死吏當夫
法洞以律分首從旣非夫本意當坐主使遂出其夫朝議
從之由是知名晏殊知永興奏洞管勾機宜文字改大理
丞知鞏縣留守西京復奏爲司錄深敬之殊晚節用刑頗
驟洞自以不負所知輒爲諫止高若訥吳有薦充秘閣校
理知太常禮院在館閣人數有建明仁宗方嚮儒術以洞
爲知經賜飛白善經二字洞獻詩爲謝復詔獎轉祠部員
外郎出知棣州會河決甫退強弱官占不均官爲標給蠲
其租以緩新集上奏河北東路民富蠶桑契丹號爲綾絹
州朝廷以內地不復置慮滄景當孔道兵守多缺契丹時

氏姓譜

卷六

七陽

張氏

尚

以販塩爲名往來境上不可不察願度形勢置帥增戍以
控扼之復與歐陽修極論天下久安縉紳崇尚虛名類以
寬厚沉默取名遇事無所補益非朝廷福又言諫官旣重
其任不數年輒至顯位自今當緩其遷使端良之士不亟
易而浮躁者不妄進名權開封推官英宗轉度支員外郎
上方在疚或經旬不御正殿疏言陛下春秋鼎盛豈宜自
比冲幼之主當躬萬幾覽羣材以稱先帝付畀之意厭元
元之解命試開封舉子賦題孝慈則忠上意其譏諷韓琦
爲之解轉司封員外權三司度支判官大臣忌之出爲江
西轉運使值荐飢奏免徵民積歲逋賦民輸油絹不中度
者計尺寸論錢民便之移淮南轉工部郎中卒年四十九
張田字公載澶淵人登進士知應天司錄事歐陽修薦其
材通判廣信軍夏悚楊懷敏建議增七郡塘水田疏論此

非禦邊之策徒壞良田浸冢墓民被其害調監郢州稅通判冀州發內侍張宗禮縱恣罪配西陵洒掃尋攝度支判官出知湖州徙廬州治有善迹移桂州故時蠻使假道朝貢守皆與抗禮至是引拜于庭而犒賂加腆土豪劉紀盧豹素爲邊患訖去不敢肆奏禁兵遣戍不習風土恒苦瘴癘請罷之爲調峒丁訓以兵法時稱其便交趾李日尊兄弟內自相殘懼邊將乘之詭言出兵九萬謀襲特磨道田謀知其詐民以無恐宜州人魏利安負罪亡命輒從西蕃使龍以烈入謁田詰問梟利安首欲並斬以徇以其事聞上密請朝命貸之熙寧初加直龍圖閣知廣州兼市舶使臨政以清毫髮不汙城無外郭民悉野處始築東城環七里賦功五十萬兩旬而成又作欽賢堂繪象古昔刺史有清望者日夕拜之蘇軾嘗稱其人可侔古廉史卒年五十

氏姓譜

卷八

七陽

張氏

七

四人悉哀之

張亢字公壽父餘慶生兄奎及亢皆有名與子燾俱登進士亢由大理寺丞簽書應天西京推官判廣安鎮戎二軍母憂起復換如京使知安肅軍元昊反歷涇原鄜延兩路兵馬鈐轄知鄜州累遷右驍驍使忠州刺史上疏請約諸路軍馬之數疏上後多施用進西上閣門使屯延州奏邊機軍政措置失宜者十事皆切中時弊會元昊自後河川襲府州縱游騎鈔麟府間二州蔽壁不出民乏飲黃金一兩易水一杯詔徙亢爲并代都鈐轄管勾麟府軍馬事亢單騎叩城旣入卽縱民樵采出汲以州東焦山有石炭穴爲築東勝堡下城傍有蔬畦爲築金城堡州北沙坑有水泉爲築安定堡悉置守兵募人衛送咸得其宜謀擊琉璃堡使諜探知無備夜引兵攻襲大破之敵棄堡去又築宣

威若于步馳以捍寇路時麟州餽尙未通亢自率三千騎
襲送賞物敵復出兵趨柏子砦來邀遇大風順擊斬首六
百級蹂踐死者不可勝計乃修建寧砦夏人數出爭遂戰
于兔毛川亢自抗以大陣而使驍將孫呂伏短兵強弩數
千于山後搏戰良久伏發敵大潰斬首二千級不踰月築
清塞百勝中候建寧鎮川五堡麟府之路始通會契丹渝
盟加領果州團練使知瀛州葛懷敏敗遷涇原路經畧安
撫招討使知滑州徙并代副都總管與鄭戡議不合御史
梁堅劾免爲本路鈐轄夏人與契丹戰河外復以亢知代
州兼河東沿邊安撫事范仲淹奏前所增廣河外堡砦宜
使亢就總其事蕃漢歸者數千戶遂爲并汾屏蔽歲減戍
兵萬人徙知瀛州奏廣東南關以藩民居夏竦惡不附已
沮其役然亢卒城之加領眉州防禦使復爲涇原路總管

氏姓譜

卷八

七陽

張氏

六

知渭州適竦爲樞密御史宋禧論奪防禦引進二使爲右
領軍衛大將軍歷知外郡久之再謫曹州鈐轄改河陽總
管卒亢輕財好施喜建功業不事小謹凡燕犒饋遺皆厚
故人樂爲用馭軍嚴明所至有風跡民圖像祠之

張奎字仲野亢兄也歷并秀二州推官吏誣徐生毆人至
死運使命奎復治反坐吏罪改大理寺丞知合淝以殿中
丞通判瀘州命往按秦州監課虧損事連十一州還奏盭
法本非先王之政令商人轉買已非得已又設重禁壅闕
之益爲民病詔悉除所負遷太常博士召爲殿中侍御史
連知江楚滑邢四州母病割股和藥而愈母後以壽卒奎
廬墓負土手植松柏服終授度支判官歷進知御史雜事
安撫京東募民十三萬爲軍奏州縣吏能否數十人還爲
戶部副使擢天章閣待制歷遷吏部郎中右諫議大夫知

江寧時府解焚毀奎簡材料工不渝時復完還判流內銓
徙審官院知河南府以政治聞歷歲餘遷給事中加樞密
院直學士知鄆州卒

張燾字景元奎子也通判鄆州州卒謀亂期有日燾得告
者徐詣營取首惡寘諸法一軍帖然擢知沂濰二州沂產
布濰產絹而有司科賦相反燾爲革之濰多圭田舊率按
畝徵絹而蠲河役燾令還其役計損歲入五之四戒吏勿
著爲式曰吾知守已而已毋妨後人也改澶州商胡決坐
免起歷遷江淮發運副使泗州水城且壞燾悉力營護詔
寵其勞入爲戶部副使請嚴禁京師榷酒令隨所用多寡
以售課悉增溢又請取芳林園餘地修睦親宅以處宗室
免廢民居詔從之遷天章閣待制陝西都轉運使蒲津浮
橋壞鐵牛沒水中燾命以巨木爲衡繩石其杪挽出之橋

氏姓譜

卷八

七陽

張氏

七

乃復舊保安二土豪善騎射邊人憚其縱肆燾設計按以
漢法配隸軍籍知成都蜀苦多盜燾爲嚴保伍使不得隱
而申其捕限南蠻寇黎雅擊走之罷磨刀崖戍卒毋喪服
闕改知鄧許二州入判太常寺提舉崇福官易通議大夫
卒年七十燾才智敏給常從范仲淹使河東至汾州民數
百遮道趨訴卽以付燾燾方與客奕局未終處決已竟英
宗時詰問三司鑄錢本末皆不對燾悉論無隱以是重之
張守約字希參濮州人以蔭主原州戡原砦招降羗酋水
令通等十七族擢廣南走馬承受公事當儂寇之後詣闕
陳南方利害皆見納用歐陽修薦其智畧權知融州嗣將
吳儂恃險爲患捕誅之修復薦其可任將帥爲定州路駐
泊都監徙秦鳳括生羗隱土千頃募射手築砮石堡甘谷
城守約常出巡邊遇夏人萬騎來寇守約簡兵五百迎戰

挺身空陣前發疆弩燈其首敵遂退王韶開熙河以爲鈐
轄加通事舍人仍統秦鳳羌兵駐通遠軍會羌衆二萬欲
復舊地守約渡洮水擊破之取窖粟食軍羌老弱畜產走
南山左右欲邀之守約曰彼逃死耳戒勿追鬼章圍岷州
守約提敢死士于高山鳴鼓張幟賊驚顧而遁降其首領
千七百人遂知岷州遷西上閣門使知鎮戎軍徙環州慕
家族誼很難制搖動種落守約勒兵討擒之進環慶都鈐
轄知邠州徙涇原郵延秦鳳副總管傾康州刺史夏人十
萬屯南牟畏其名引去徙知涇州涇水暴輒壞城每歲必
增築堤堰勞費不貲守約至適歲飢命罷其役故有河神
祠在南壩禱而遷諸北以殺河怒一夕雷雨河徙而南其
北遂爲沙磧遷龍神衛四廂都指揮使召還道卒年七十
五凡典州郡皆有惠愛復善知人所薦皆爲名將

氏姓譜

卷八

七陽

張氏

七

張詵字樞言浦城人登進士通判越州民患苦衙前役詵
爲科別貧富籍人戶當役者雇充以錢皆稱其便改知襄
邑擢夔路通判建議拓瀘夷地錄功加直集賢院爲陝西
轉運副使神宗閱章奏與蔡挺有所論欲識之名對賜金
紫明年知秦州前此將吏貪功多從羌地獵射因起邊患
詵至申令毋得犯羣羌咸悅知熙州董氈遣鬼章逼岷州
詵率兵往討破之于錯鑿城斬首萬級元豐初加龍圖閣
直學士知成都會靈武出師復命權熙河經畧事趣使倍
道行時倉卒治戎有司計產調夫民多流亡師罷徙知杭
州道過京師帝訪以西事對曰彼勢雖弱我師未銳願以
歲月圖之終正議大夫年七十二詵孝友廉于財不殖田
業

張覺字柔直福州人舉進士爲小官不與世詭隨時蔡京

枋園求善訓子弟者京族子應之以鬻薦三辭不獲始卽
館嚴毅聳拔意度凜然迥異他師諸生已不能堪一日忽
語曰汝曹曾學走乎諸生駭問故鬻曰天下被汝翁破壞
至此旦夕賊來惟有善走庶可逃死爾諸生以告京京矍
然因覓鬻深語鬻慷慨言曰宗廟社稷危在旦夕京乃歛
容問計鬻曰宜亟引耆德老成置諸左右以開導上心羅
天下忠義之士分布內外是爲第一義耳京因扣其所知
鬻以楊時薦于是名時鬻後守南劍州遷福建路轉運判
官會范汝爲陷建州遣葉徹擁衆來寇時統制官任士安
駐軍城西不肯盡力鬻乃獨率州兵分爲數隊將戰第一
隊旣飽遣之入陣更食第二隊度所遣兵力將困卽遣第
三隊往代第四隊至第五六隊亦如之更迭交戰士卒常
飽而力不乏徹中流矢死賊衆敗走鬻知士安恥無功卽

氏姓譜

卷八

七男

張氏

七

函徹首與之士安大喜州兵皆憤鬻曰賊必再至非與大
軍合力不能破也未幾徹二子果引衆縞素來攻聲言復
交仇士安與州兵夾攻大賊之城賴以全嘗欲造大舟幕
僚不能計其直鬻教以造一小舟量其尺寸而十倍算之
又欲築紹興園廟垣名匠計之云費八萬緡鬻教之自築
一丈長短約算之可直二萬卽以二萬與匠者董役內官
無所得奏紹興空乏難濟太后乃自出錢費充之以直龍
圖閣知處州蕩平餘寇進秘閣修撰卒後廟食郟武

張運字南仲貴溪人唐宰相交瓘後父貫右通直卽累贈

大中大夫運太學登第官藍山丞藍山與諸僚接壤因俗
爲治吏民安之臨武寇與獠合大肆剽掠運親帥兵擒之
遷攸縣尉劇賊王在據岐山潭帥徵兵戍岳運將二千人
先至賊平改新淦丞攝縣事紹興中縣新被兵撥煨燼考

版籍正租賦數月之間儉除而民定權鼎州通判岳飛方擊楊么賊率輕銳徑趨武溪南興以臨鼎州城中大震運與太守程昌寓勒兵登城控扼上下以張其勢賊宵潰又檄討澧賊雷德進運率都統梁吉等以兵直擣其巢破四千二柵降之移貳濡須值大將駐兵以拒金人給餉未嘗乏歲餘以親老還寓鄱陽內外艱起復知桂陽監境內稱治言于部使者奏陞監爲軍大修庠序之教祠漢以來守令有功德者衛颯唐羗等七人于學刻顏氏家訓四時纂要等書散之民間使知修德務本除知達州方大旱入境而雨奏除病民五事名爲度支郎中請以臨安樓店務錢十萬歸省額贖戶部所儲三佛齊香藥分送江浙荆湖漕司以糴軍餉及陳諸路綱運七弊懲革十術遠近遞輸以均勞逸事皆施行兼樞密院檢詳遷軍器監尋改大理少

氏姓譜

卷八

七易

張氏

三

聊請正兩浙鹽法以寬私鬻之禁詔從之兼權入部侍郎請廣儲蓄興鼓鑄修屯田練鄉兵時久雨傷蠶麥詔陳弭災禦侮之策運言天災人事有甚可畏而不足畏者視吾政之修不修有甚可憂而不足憂者視吾自治之善不善會金人渝盟運特專餽餉丞相陳康伯議遣李寶自四明控制海道衆論紛紜運力贊決之俄以御營隨軍都轉運使從上勞師江上駕還請外授集英殿修撰知太平當兵飢疾癘之餘勞徠安輯嚴斥嫉堅守備理財賦造戰艦繕甲兵申禁令民賴以安孝宗初請老以敷文閣待制奉太平祠卒贈少師左光祿大夫

張孝祥字安國歷陽烏江人少聰慧讀書過目不忘下筆頃刻數千言年十六冠里選紹興二十四年廷試策問師友淵源秦頊與曹冠皆力攻程氏專門之學孝祥獨否考

官湯思退定墳爲首孝祥冠次之高宗讀墳策皆檜語而
孝祥詞翰俱美擢第一曹詠請婚不答授承事郎簽書鎖
東軍節度判官秦檜素憾胡寅而孝祥父祁雅與寅厚檜
風言者誣祁有反謀繫獄會檜死魏良臣密奏得釋遂以
孝祥爲秘書正字初對首請總攬權綱以盡更化之美諸
官吏希意文致觀望及有司鍛鍊成罪者乞卽改正又言
檜作時政記專用已意乞取已修日歷詳審是正黜私說
以垂無窮詒皆從之遷校書郎芝生大廟孝祥獻文以大
本未立而言且言芝生仁英二宗之室天意可見乞早定
大計尋遷禮部員外郎權起居舍人湯思退素不喜汪澈
孝祥與澈同館年少氣銳往往陵拂之及澈爲中丞劾孝
祥姦不在盧杞下遂罷提舉太平興國宮尋起知撫州年
未三十蒞事精確老于州縣者所不及孝宗卽位復集英

氏姓譜

卷八

七陽

張氏

三

殿修撰知平江府遇事繁劇剖決無滯屬並海大姓誨盜
爲姦利孝祥捕治籍其家得穀粟數萬明年大飢迄賴以
濟張浚自蜀還薦之名赴行在孝祥故出思退之門及受
浚薦思退不悅入對面陳二相當同心戮力以副陛下恢
復之志上嘉之除中書舍人尋學士院兼督府參贊軍事
頌建康留守以言改敷文閣待制留守如舊會金再犯邊
孝祥言金人之意不過要盟坐落職後以集賢殿修撰知
靜江府廣南西路經畧安撫使治有聲績言者劾罷之又
起知潭州湖北路安撫使策守金隄置萬盈倉以儲諸漕所
通有病請祠上惜其用未盡進顯謨閣直學士致仕卒年
三十八孝祥俊逸文章過人尤工翰墨

張繹字思叔河南壽安人家甚微年長猶未知學傭力于

市聞邑官傳呼聲心慕之遂發憤從學初執業艱苦教者憐其志頗勸勉之旋以文名一旦以科舉之學不足爲適程頤歸自涪時釋年已三十乃往受業頤一見卽以穎悟喜之妻以族女與尹焞友善頤嘗言吾晚得二士謂釋與尹焞也又言焞也魯釋也俊持守恐不及耳嘗讀志士不忘在溝壑勇士不忘喪其元慨然有得曰人能守此則無不可爲之事矣又爲座右銘以自警大觀中新學日興言者誣頤倡爲異端焞與釋每左右之後不仕而卒識者頗惜其早世云

張載字子厚先世家大梁祖復眞宗朝至給事中集賢學士父迪仁宗朝爲殿中丞知涪州早卒遂不能歸僑寓鳳翔郿縣橫渠嶺之南載自幼志節不羣孤獨自立無所不學兼喜談兵康定間年十八慨然以功名自許爲書謁范氏姓譜

卷八

七陽

張氏

三

仲淹一見知其遠器欲成就之警曰名教中自有可樂何事于兵因勸讀中庸載以爲未足又訪諸釋老累年知無所得乃反而求之六經嘗于京師坐虎皮講易聽從者衆一夕二程至與論易有得語人曰比見二程深明易道吾所弗及汝輩可往師之翼日命撤坐輟講益與二程論道學之要旣罷油然自信曰吾道自足何事旁求盡棄異學淳如也嘗曰吾學旣得于心則修其辭命辭無差然後斷事斷事無失吾乃沛然又曰此道自孟子後千有餘歲若天不欲此道復明則不使今人有知旣使人有知則必有復明之理其以道自在如此登進士調雲巖令以敦本善俗爲政每月吉名鄉里高年會于庭使人知養老事長之義問民疾苦及訓戒子弟呂公著薦于神宗名見訪問治道對曰爲政必法三代不然終小道也授崇文院校書王

安石又問新政告曰公與人爲善則人以善歸公如教玉人追琢玉則宜有不受命者安石默然遂引疾歸屏居南山下敝衣蔬食危坐一室左圖右書俯讀仰思有得則識之或中夜起坐取燭以記其志道精思未始須臾息亦未嘗須臾忘也與諸生講學務先以禮每告以知禮成性變化氣質之道必求如聖人而後已自秦漢以來學者大弊在知人而不知天求爲賢人而不求爲聖人呂大防薦其善發明聖人之遺旨始終論治畧可復古宜還其舊職以備資訪乃名知太常禮院又與有司議禮不合仍引歸中道疾甚沐浴更衣而卒年五十八學士許將乞加贈卹詔賜一子館職生平尊禮貴德樂天安命以易爲宗以中庸爲體以孔孟爲師法黜恠妄辨鬼神婚喪葬祭率用先王之意而傳以今禮嘗講上古井田之制欲買田一區畫爲

氏姓譜

卷八

七陽

張氏

三

數井上不失公家賦役退與其徒正經界分宅里立欵法廣儲蓄以及學校之法皆條理成書使可舉而措諸事業世稱爲橫渠先生所著正蒙西銘至今尊之嘉定十三年賜諡明公淳祐元年封郟伯從祀孔子廟庭

張戩字天祺載弟也登進士調閩鄉簿知金堂縣誠心愛民養老恤窮勸以孝弟人化其德有小善皆籍記之所至微訟日少熙寧初爲監察御史裏行論新政言曾公亮陳開之趙抃依違不能救正韓絳左右徇從李定邪諂詭隨芽蘖漸盛呂惠卿刻薄辯給假經術以文姦言豈宜勸謹君側書數十上又詣中書爭之王安石舉扇掩面而笑戩曰戩之狂直宜爲公笑然天下笑公者不少矣遂稱病待罪出知公安徙監司竹監旣至舉家日食不敢用笋其介

德如此年四十七卒于官

張洽字元德清江人進士絨子自少穎異篤志向學嘗取管子思之思之不已又重思之思之不通鬼神將通之之語爲窮理之要時行社倉法請于縣貸常平米建倉里中六年而歸其本鄉人利之登嘉定進士授松滋縣尉湖右經界弊甚洽請行推排法令民自實爲籌覈其土地疆界產業之數而次第之吏姦無所匿後十餘年訟者猶援以爲證改袁州司理參軍屢決疑獄眞巨蠹于法尋知永新縣一日聞獄中榜管聲蓋獄吏受財拷囚使誣服也洽大怒執吏付獄白于郡黥之湖南鄴寇作亂與縣接壤民大恐洽單車往延見隅官詢利害而犒之寇竟不至以薦通判池州守誣張德修誤殺爲故洽請再鞫不聽會大旱部使袁甫至洽言于甫閱德修款狀得從輕比又請蠲征稅寬催科以召和氣三日果大雨民甚悅之以慶壽恩賜緋

氏姓譜

卷八

七陽

張氏

四

衣銀魚數請祠甫以白鹿書院廢弛拾爲長至則選好學之士日與講說而汰其不率教者復養士之田正豪右之籍學興卽謝病去端平初大臣薦赴都堂審察除秘書郎遷著作佐郎帝數問度正葉味道曰張洽何時可到將處以說書洽固辭以直秘閣主管建康崇禧觀嘉熙元有疾致仕卒年七十七洽自少用力于敬故以主一名齋所交當世名士居正學者皆傾慕之聞朝廷有變故災異輒輦感不樂凡有一君子進用一士大夫直言則喜見顏色卒後有旨除直寶章閣所著有春秋集註左氏集傳蒙求續通鑑長編事畧歷代郡縣地里沿革表文集于櫛櫨皆賜進士

張耒字文潛淮陰人幼穎異十三能文十七作函闕賦已傳誦人口游學于陳蘇轍愛之因得從軾游軾亦深知之

稱其文汪洋冲澹有一倡三歎之聲弱冠登進士歷咸平縣丞入爲太學錄范純仁薦試遷秘書正字累著作郎秘書丞史館檢討居三館凡八年顧義自守泊如也擢起居舍人以疾謁告不赴朝參范純禮繳還辭命紹聖初請郡以直龍圖閣知潤州坐黨籍徙宣州謫監黃州酒稅起通判黃州知兗州召爲太常少卿甫數月復出知潁汝二州崇寧再落職主管明道宮聞蘇軾訃爲舉哀行服臺諫論之貶房州別駕安置黃州自便居陳州未儀觀甚偉有雄才筆力絕健于騷詞尤長時二蘇及黃庭堅晁補之輩相繼淪謝惟未獨存士人就學者衆分日載酒餼飲食之誨人作文以理爲主嘗著論學者以爲至言作詩晚歲務平淡效白居易體樂府效張籍久于投閑家益貧郡守程汝文欲爲買公田謝不取晚監南嶽廟主管崇福宮卒年六

氏姓譜

卷八

七陽

張氏

三五

十一建炎初贈集英殿修撰

張卽之字溫夫以父參政孝伯恩授承務郎中兩浙鄉舉歷監平江糧料院丁內外艱改監臨安稅務累遷至司農寺丞知嘉興以言罷引年特授直秘閣致仕生平以能書聞天下金人亦寶其翰墨尤重氣節

張旦趙州人勇敢善射以經學中第官國子博士淳化中知陵州舊無城墜州兵不滿三百李順黨數萬來攻旦修戰具置鹿角驅市人戰大敗之殺五千餘人獲器械萬計詔書褒獎遷水部員外郎賜緋魚由是知名上官正薦知雅州賜金紫真宗遷兵部員外郎景德中契丹入寇旦與虎翼都虞候胡福副指揮尙祚及其子利涉率衆奮擊福金創徧體猶奮劍轉鬪矢無虛發麾下已盡獨挺刃殺數十人能運大槓所斬首拉脅者亦百餘人衆寡不敵遂

與指揮使張睿劉福都頭輔能等並死焉上嘉其忠勇遣使訪遺骸惟得胡福屍令其子厚葬之贈旦左衛大將軍

徐詒贈有差

張克戡字德祥著曾孫也登進士知吳縣吳大姓怙勢一裁以法姦猾屏氣狀聞名拜衛尉丞從弟克公劾蔡京京修怨並黜克戡踰年起知祥符歷開封戶曹宣和七年知汾州金兵圍太原遣將銀朱李董來攻克戡畢力捍禦斬欵附燕人欲爲內應者數選勁卒撓敵營出其不意敵懼引去論功加直秘閣靖康元年金兵復至克戡與經畧張孝純之子灝都統制張思正轉運使李宗協力固守宜撫李綱表其勞連進直龍圖閣右文殿修撰及太原不守思正率灝宗奔磁隰城中始無固志成將麻世堅中夜斬關出通判韓琥相繼亡克戡下令曰太原旣陷吾固知必亡

氏姓譜 卷八 七陽 張氏 六

然義不忍負國且辱父祖願與此城終始以明吾節兵民其各自爲謀衆皆泣涕同聲對曰願效死聽命乃益厲兵傲守賊至身帥將士擐甲登陴雖屢却敵而援師不至募士間道上疏具述危急之狀不報金復破平遙降介休孝義諸縣據州南二十里作攻城器具屢遣諭降不應十月朔金益以萬騎來攻有欲出降者克戡手斬以徇諸敵列城下克戡登陴極口罵詈發礮中一敵斃之度兵少城且破乃草遺表及別妻子書緹州兵持抵京師明日金兵從西北隅入殺都監賈亶克戡猶率衆巷戰金人募生致之克戡歸署朝服焚香南向拜舞引決自盡一家死者八人金將奉其屍葬于後園羅拜設祭爲之立廟事聞贈延康殿學士賜銀絹表其閭紹興中諡曰忠確

張確字子固邠州人登進士疏言十事宜和二年召至京

值方臘起上言願下哀痛之詔省不急之務租賦外一切
請罷敢以花石湣巧供上者死撫緞脊附毋以多殺爲功
許王黼意除通判杭州攝睦州事有自賊中逃歸者訪得
虛實以告諸將用其言盜遂平改知汾與解州徙隆德府
金園太原確言河東天下根本無河東豈惟秦不可守汴
亦不可都矣敵旣得勝勢必南下潞城百年不修兵將皆
出邊戍臣生長西州頗諳武事若得秦兵十萬猶足以抗
敵不然惟有一死報陛下耳書上不報明年二月金兵至
知城中無備諭使速降確乘城拒守有獻謀自東城可潰
圍出確怒叱曰頭可斷腰不可屈遂力戰死欽宗聞之悲
悼贈述古殿直學士名見其子宗曰卿父得死所矣嘆息
者久之

張世傑范陽歸正人少從張柔成祀有罪奔宋隸淮兵中
氏姓譜

卷八

七陽

張氏

二七

無所知名阮思聰見而竒之言于呂文德名爲小校攻安
東州力戰與高達援鄂州有功轉十官尋從賈似道入黃
州戰類草坪奪還所俘還環衛官歷知安東州咸淳四年
北兵築鹿門堡文德請益兵調世傑與夏貴赴之及呂文
煥以襄陽降命世傑將五千人守鄂州世傑用鐵緝鎖兩
城夾以砲弩其要津皆施枕設攻具德祐元年北軍破新
城長驅而下世傑力戰不得前遣人招之不聽伯顏陽攻
嚴山隘潛舟自唐港入漢東攻降鄂州詔世傑提所部兵
入衛道復饒州入朝遣將四出取浙西諸郡復平江安吉
廣德溧陽諸城兵勢頗振七月與劉師勇諸將出師焦山
引十舟結爲方陣被江中流示以必死非有號令毋輒發
敵元帥恂虡以火箭攻之兵遂亂無敢發砲赴江死者萬
計世傑奔圖山疏請濟師不報十月進浚江招討使改

制置副使已而元軍至獨松關乃以世傑爲保以軍節度使復名入衛加檢校少保降詔獎諭元兵至皋亭山世傑提師入定海將從二王俱南石國英遣都統卞彪迺之世傑初謂彪來從已椎牛以享酒半彪從容說降世傑大怒斷其舌戮之巾子山四月從入福州與陳宜中陸秀夫共奉益王爲主拜簽書樞密院事王世強導大軍來攻復奉王入海而自將陳弔眼許夫人諸翼兵攻蒲壽庚不下十月元帥唆都將兵來援衆遂解去旣而唆都遣人招益王又遣經歷孫安甫說世傑降世傑拘之軍中不遣招討劉深攻淺灣世傑兵敗移王居井澳深復來攻世傑戰却之因徙福州王昶衛王昺立拜樞密副使加檢校少傅復徙居新會之崖山封越國公發瓊王粟以給軍明年元帥張宏範等至崖山衆請世傑宜先據海口無令北兵以舟師

氏姓譜

卷八

七陽 張氏

二八

塞之世傑悉久在海上衆有離心動則必散乃曰頻年航海何時已乎今須與決勝負耳命悉焚行朝草市結大船作水砦爲死守計人皆危之已而宏範果據海口樵汲道絕兵茹乾糧十餘日渴甚掬海水飲之卽嘔泄兵遂大困世傑率蘇劉義方與日大戰二月癸未宏範復攻崖山世傑敗走衛王舟蔽薄中軍世傑遂斷維以十餘艦奪港去後遠收兵崖山劉自立擊敗之降其將方遇龍等四十餘人世復欲奉楊太妃求趙氏後立之俄颶風壞舟溺死平章山下

張珏字君玉隴西人魁雄有謀善用兵年十八從軍釣魚山以功累官都統制號四川虓將寶祐末北兵攻蜀至順慶廣安諸郡破竹而下帥臣段元鑑城守麾下劉淵殺之以降遂圍合州珏與州守王堅協力戰守攻之九月不能

下景定初徵堅入朝代以馬千其子爲敵所得屢以書勸
降乃更以珽代手除御前諸軍都統制利東安撫使興元
府駐劄兼知合州珽出奇設伏莫無遺策在合練士卒精
器械御部曲有法雖奴隸有功必賞雖至親有過必罰故
人人用命自全汝揖失大食坪北人築虎相山駐兵廣安
大梁兩城時出攻梁山忠萬開達民不得耕兵不得解每
餽餉用數郡兵護送死戰城下始得入咸淳二年冬珽遣
統制史照王立監軍王世昌等以死士五十斧西門入大
戰復其城事聞改廣安城爲寧西軍推恩爵賞有差三年
四月平章賽興亦提兵入重慶出合城下珽旋舟江中斷
爲水城北兵攻之不克遂引去合經余玠更築壁壘甚固
及開慶受兵民苦凋弊珽以兵外護民耕內教墾田數年
公私兼足適叛將劉整獻計于敵自青居進築馬騾虎頂

氏姓譜

卷八

七陽

張氏

元

山扼三江口以圖合左右欲與爭珽不可曰我出不意攻
蕪菁平毋德彭城敵必顧其後不暇城矣又火其資糧器
械越砮七十里焚船塢統制周虎戰死馬騾城迄不就上
功授正任團練使帶行右領軍衛大將軍賜金帶德祐元
年加檢校少保四川制置副使知重慶府朝命遣趙立徵
其兵入衛加寧遠軍節度使蜀道斷不得達無以復命還
至涪立沉水死六月合州外城破珽立降守將侯都統戰
死已而瀘叙長寧富順開達巴渠諸郡皆下會兵圍重慶
作浮梁三江中斷援兵自秋徂冬珽間道遣死士入城許
以赴援且爲畫守禦計二年六月遣趙安被神臂門執梅
應春殺之復瀘州重慶兵漸解復圍瀘州十二月趙定應
迎珽入重慶時楊立以涪州降珽遣張萬攻立俘其妻子
并僚屬馮巽午等及安撫李端以歸更以都統程聰守涪

重慶兵乃盡退聞二王立廣中遣兵數百求王之所又調
史訓忠等援瀘州趙安張萬復入夔達忠三州拔石門及
巴巫砦獲將士百餘人解大寧圍又攻破十八砦明年六
月張德潤復破涪州執守將程聰初聰在重慶力主守城
之議珽實不知也使出守涪聰怏怏不設備遂及于敗至
元十五年珽遣總管李議將兵由廣陽出一軍皆沒二月
遂破重慶降趙安張萬張起巖與帳下韓忠顯執守將鮮
龍湖幕官趙酉泰機宜曹琦皆自殺珽出薰風門與大將
也速縛兒戰扶桑壩諸將從其後合擊之兵潰復率兵巷
戰不支歸索鳩飲不死以小舟載妻子踰躍赴水又不得
遂被執送京師至安西其友謂之曰公盡忠一世以報所
事今至此縱得不死亦何以哉乃解弓弦自經從者焚其
骨缶而葬之死所

氏姓譜

卷八

七陽

張氏

三十

張順與張貴皆民兵部將後爲鄂州水軍統制襄陽受圍
五年援兵不至張漢瑛守樊城募襄郢山西民兵驍勇善
戰者三千人求將得順與貴俗呼貴曰矮張順曰竹園張
俱智勇素爲諸將所服以爲都統令曰此行期于必死汝
輩或非本心宜亟去毋敗吾事人人感憤時漢水方生百
艘齊發各置火槍火炮熾炭巨斧勁弩夜漏下三刻起碇
出江以紅燈爲識貴在先順殿之乘風破浪徑犯重圍至
磨洪灘以上北軍舟師布滿江面無隙可入衆乘銳凡斷
鐵鉅攢杙數百轉戰百二十里黎明抵襄城城中間救至
踰躍氣倍及收軍獨失順越數日有浮屍遡流而上被介
冑執弓矢直抵浮梁視之順也身中四槍六箭怒氣勃勃
如生諸軍驚以爲神結家歛葬立廟祀之貴旣抵襄欲求
援荆郢乃募二士能伏水中數日不食使持蠟書赴郢北

兵增守益密水路連鎖數十里列撒星椿二人遇椿郎錫
竟達郢還報許發兵五千駐龍尾洲以助夾擊刻日既定
乃別呂文煥東下點視所部軍帳前一人有過被撻忽亡
去貴驚曰吾事泄矣亟行彼或未知乃鼓噪發舟破圍冒
進衆皆辟易旣出險地夜半天黑至小新城大兵邀擊以
死拒戰至勾林灘漸近龍尾洲遙望軍船旗幟紛披貴軍
喜躍舉流星火示之卽前迎及勢近欲合則皆北兵也蓋
郢兵前二日以風水驚疑退屯三十里而北兵得逃卒之
報反據龍尾洲以逸待勞貴戰已困出于不意殺傷殆盡
身被數十槍力不能支被執不屈死之敵昇屍至襄城下
令曰識矮張平守陣者皆哭城中收貴屍附葬順冢立雙
廟祀之賜廟額忠顯

張之才紹聖初知陽城清謹愛民名聞當世及去任辭陽
氏姓譜

卷六

七陽

張氏

三

廟詩云一官來此四經春不愧蒼天不愧民神道有靈應
信我去時猶似到時貧邑人刻石頌之

張觀字思正絳州人天性至孝謹愿好學有鄉曲名登第
授將作監丞通判解州坐失舉塩池吏賍降監河中府稅
復通判果州改秘書郎時父居業方爲州從事上書願以
官授其父真宗嘉之特改京官仁宗卽位累遷至左司郎
中給事中時星流地震雷發正月詔求直言觀謂承平日
久政寬法慢用度漸侈風俗漸薄以致災異因上知人嚴
禁尚質節用四事會河北大雨水又條七事拜同知樞密
院事父官至太府卿嘗過洛陽喜其山川風物願得終老
于此觀乃買田宅營林樹以順適其意早起奉藥膳畢後
出視事未嘗一日或廢趨尚恬曠持廉少欲凡書必爲楷
字無一行草類其爲人上賞其節操飛白書一清字賜之

然于吏事非所長康定中議黜鄉兵不決與王俱罷爲
資政殿學士知相州徙澶州河決孫陳埽及浮梁州人大
恐觀躬率卒徒增築之隄完水亦退徙鄆州言舊法京東
通安邑蓋禁瀕海私煮利之所在雖日殺于市恐不能止
請弛禁以便民歲免黥配不可勝計歷知應天孟州河南
以吏部侍郎兼御史中丞念父高年多病請優郡爲觀文
殿學士知許州拜左丞父喪哀毀過度旣練而卒贈吏部
尚書諡曰文孝

張揆字文裕歷城人父蘊咸平初監淄州兵契丹入寇游
騎已至人將棄城蘊拔刀遮止于門力治守備騎乃引去
郡守掠爲已功蘊不與校揆幼篤孝父病刲股肉以療第
進士知益都縣小民賦稅不責里胥催督皆以時入石介
獻息民論請以爲法丁內艱值時隆寒徒跣舉柩叩首流

氏姓譜

卷八

七陽

張氏

三

血與兄揆廬墓左明道中京東盜起中丞范諷薦知掖縣
遇旱災奏除租稅改通判永興軍英宗登極入判太常司
農寺累官戶部侍郎致仕卒年八十爲人忠篤誠懇旣老
益康少從劉潛李冠滂及死率里人葬之置田贖其孥性
友愛事揆如父理家必諮而行鄉黨矜式之

張愈字少愚益州郫人雋偉有大志寶元初上書言邊事
其論甚壯使者薦除秘書郎願以授父顯忠文彥博爲治
青城山白雲谿杜光庭故居以處之丁內艱再期盥酪不
入口所持柳杖植于墓忽生枝葉後合抱性喜奕棋樂山
水杜門著書妻蒲氏名芝又賢而有文遇有輿輒盡室以
往遂浮湘沅觀浙江升羅浮入九嶷歷數千里載鶴而歸
卒之日妻爲之誄曰高視往古哲士實殷施及秦漢餘烈
氛氳挺生英傑卓爾逸羣其人伊何白雲隱居趨世不偶

是名丈夫仕非其志祿不可淹營營未途非吾所安窮本
自固困不自顛謝除人爵知命樂天脫簪散髮眠雲聽泉
有峯千仞有溪數曲廣成遺址吳興高躅疏石通徑依林
架屋麋鹿同羣晝游夜息嶺月披雲秋霖洒竹清意何窮
真心自得放言遺慮何榮何辱孟春感疾閉戶不出豈期
遂往英標永隔抒詞哽咽揮涕沈瀾人誰無死惜乎才賢
人多傳誦之

張舉字子厚常州人親在以無兄弟斯須不忍去左右登
甲科親友彊赴調授青溪簿不肯之官閉戶讀書四十年
夜分不寐手校羣經萬卷著書甚富元豐中孫覺胡宗愈
范祖禹交章薦其高行言使舉且死草萊後世必以舉爲
朝廷羞起爲潁州教授不就元祐中蘇軾又言其孝悌修
于家忠信行于友聲名聞于人蹈中守常從容不迫爲當

氏姓譜

卷八

七陽

張氏

三

時名流所慕以不造其門爲恥詔除秘書省校書郎敕郡
縣致禮敦遣竟不出崇寧四年卒賜諡曰正素先生

張惟孝字仲友襄陽人少通春秋身長六尺工騎射城中

亂爭出闕惟孝趨白河見一舟壯鉅急登之舟人不可惟

孝呼曰今日之事非汝卽我能殺我者得此舟衆披靡不

敢拒舟達鄂州亂兵奔沙洋值帥別之饑盡盜諸湖惟孝

令二人賈服前行已與十騎衣黑袍假爲敵兵給云後隊

亟至守隘四五百人悉潰開慶元年卜居江陵至沙市遇

舟大礙不可涉頃之宣府姚希得弟義冠張蓋從者數十

令曰敢有爭岸者投水中惟孝睥睨良久提劍驅左右而

出舉白旗以麾令衆船登岸毋敢亂次者幹官鍾蜚英見

而異之遙語曰今日正我輩趨事赴功之秋惟孝不答退

告唐舜申曰吾故人也因具言其平生明日蜚英導希得

羅致之仲宣樓酒酣謂曰有國而後有家天下如此將安歸乎惟孝躍然曰從公所命乃請空名帖三十道以還逾旬與三十騎俱擁甲士五千至旗幟鮮明部伍嚴肅上至公安下及墨山游踏相繼希得大喜請所統姓名辭曰朝廷負人福難禍易聊爲君侯紓一時之難耳姓名不可得也時鼎澧五州危甚惟孝擊鼓耀兵數日衆至萬人數戰俱捷江上平制使呂文德招之不就而遁物色之不可得或云已趨淮甸後不知所終

張承德字抱一并州陽曲人家世饒財曾祖丕尙氣節父顙事晋安州防禦使承德生四歲母馬氏被出育于祖母周祖初爲侍衛與顙善乃以女妻承德及爲樞密使表授供奉官乾祐中鎮鄴命賜外兄常遇生辰禮幣時已被讒聞有密詔族周祖家承德微探其意請以已屬吏遇愕然

氏姓譜

卷八

七陽

張氏

四

曰君視丈人事得成否承德曰姦邪蠹政郭公誓清君側其事必成無何周祖登位週賀且謝曰老夫幾誤大事還授左衛將軍駙馬都尉內殿直小底四班都知領和州刺史妻封晋國公主逾年擢殿前都虞候恩州團練使俄遷殿前都指揮使泗州防禦使年方二十四與宋祖同事世宗相與甚厚宋祖聘孝明后承德出緡錢金帛數千助之後入宋加兼侍中來朝改節武勝軍名對後苑與道舊故飲以巨觥每呼駙馬不名時并汾未下帝問計安出承德對曰太原兵少而悍加以契丹爲援未易取也臣意每歲多設游兵擾其農事仍發間謀絕其援師然後可也帝然之討金陵以已資造戰船運糧自順陽沿漢水而下富民高進訟之命曹翰往按無狀翰以進授承德筓而釋之時稱長者太宗卽位來朝拜左衛上將軍封鄧國公連知滄

雄定三州端拱元年又改鎮安化軍名還爲河北兩路排陣使屯定州與契丹戰斬獲甚衆內艱起復改知鎮州淳化二年徙節泰寧軍兼侍中判并州兼并代都部署俄坐販茶爭利罷爲左衛上將軍真宗進封衛國公未幾判左金吾衛仗事請老授太子太師分司西京咸平三年授檢校大師彰德軍節度使知天雄軍卒年七十三護柩還京贈中書令諸孫遷秩者五人其出母後適安邑劉祚祚卒通歸與繼母劉氏並事以孝聞累朝恩渥不替嘗賜冠披封莒國太夫人孫文蔚大理寺丞遷虞部員外郎文炳殿中丞

張崇貴真定人太祖時爲內中高品遷殿頭太平興國中以善射選帶御器械馳往闕錢俶城防儲侍之數從崔彥進李漢瓊征太原先路視水草補內供奉官淳化四年命

氏姓譜

卷八

七陽

張氏

三

乘傳之延州招羗戎之內附者發庫錢犒給以金幣賜首領轉內班右押班管勾鄜延屯兵李繼隆討繼遷詔犄角而進及擒趙保忠與石霸守綏州徙平夏民以實之繼遷扼橐駝路驅脅內屬戎人崇貴與田敏率熟倉族虜過戰于雙塏殺二千餘級掠牛羊橐駝鎧甲甚衆連詔褒諭會走漠中遣將佐趙光祚張浦送款于石堡砦乃雅牛酒酒宜詔犒諭給以錦袍金帶繼遷貢駝馬待罪復遣往賜器幣茶藥衣物至道元年進崇儀副使右班副都知繼遷復叛劫芻饋于浦洛河圍靈州廷議棄守未決命崇貴與馮訥乘傳往議奏請益兵固守就命監靈環慶州清遠等軍爲排陣都監真宗拜洛苑使右班都知管勾并州軍馬自五路討賊兵戰相繼卒無成功及保吉復修貢授以定難軍節度使復持詔並金帶器幣往賜還加六宅使咸平初

命管勾鄜延屯兵爲延安駐泊都監兼鈐轄繼遷又仇熟戶李繼福因緣內擾崇貴與張守恩王榮擊之焚廬舍獲賫畜器甲生口甚衆再詔褒飭四年詔歸領獎州刺史復蒞鄜延制置沿邊青白益事與衛超領軍入敵境焚廬舍帳幕獲廩糗牛羊復被詔獎屢詔契丹事以聞景德元年保死其子德明尚幼移書諭以朝廷恩信德明請俟釋服稟命詔書慰撫自是邊防事宜經制小天皆令專主築臺保安北名邊人會議與之盟約復名赴闕面受方畧封德明王爵賜金帛緡錢並茶給內地節度使俸聽回圖往來放青益禁凡五事要以納靈州土疆止居平夏遣子弟入宿衛罷設官吏散蕃漢兵并質口封境之上有侵擾者稟朝旨德明誓表來上錄功拜皇城使內侍左右班都知領博州團練使持旌節詔命往授還對于瓊林苑中命

氏姓譜

卷八

七陽

張氏

三

爲行宮使祥符元年加詔宣使崇貴既久在邊廷善識情僞羗人畏服每朝論所述及境上交侵皆先付裁判夏州文移至環慶者皆付延州議焉嘗請如北面置緣邊安撫使上謂西鄙別無經營苟德明能守無慮朝廷失信增置署局徒爲張皇不若委卿靜制之二年許歸葬父母賜予甚厚復命爲都鈐轄提舉榷場聽歲入奏事卒年五十七帝悼惜之贈豐州觀察使

張嶠字景山崇安人太傅靄之長子也五季之亂隱于武

夷之陽漁釣自適無仕進意會父靄仕周爲蘄州刺史唐主聞之遣吏召嶠不出遂拘以往後江南國滅歸宋嘗通判剡州并廬山廬山竊發嶠與太守龔慎儀設方畧禦之時賊勢方盛郡兵單弱或請少避嶠不聽曰吾不敢負國有死戰而已盜亦隨息後官至司門員外郎請老歸里尋

詔入朝太平興國間充右贊善大夫知博州遷御史中丞累贈工部尚書弟敞子放

張頴端拱元年為慈溪令廉潔自持邑人號為張清清太宗賜詔獎諭若曰令長之任得以施異政而親吾民也爾

膺茲遷擇綽著強明勤以奉公廉以守道達于聽覽深所歎嘉愈勵精勤當俟明陟民立廟祀之縣有清清堂以頴名也

張岐字邠鄉崇安人太傅鬻之次子也登端拱二年進士第調酸棗尉繼授大理評事遷司直治獄有神見隨事立

決由是擢屢出諸路決疑獄以勞遷將作監丞至道末坐累出知永新縣政尚廉簡吏不能欺

張弦江津人舉進士名對直言累仕湖廣總領精神滿腹長于筭算至和初知雷州暇日延長老授諸生條教初雷

氏姓譜 卷八 七陽 張氏 三七

俗鄙隱常以宗子為長易數世諸父反拜弦諭以長幼親疎悉更舊習又增治城壘闢田蓄水為久遠計雷人愛之

張及知臨邛縣太守欲引水泛舟遣吏于縣決堰水時農事方興及曰涸民田以事嬉遊可乎令可去水不可導守

歛容謝之焉 張荷壽光人師事种放與吳言魏野楊朴宋澥為友性高潔為文奇絕著過非九篇放謂情唐以來之士罕能及之

有詩文三卷 張傲字希古崇安人第進士調崇仁令修粹堰萬金坡以增灌溉蠻管冠近境視傲有備亟引去傲乃慈以撫之後

監鎮州糧料真宗幸澶淵聞傲名累遷太常博士仁宗時歷知容亳秦泗岳吉六州會江淮發運張綸舉傲自代復

歷數郡官至工部侍郎

張日用靜海人知新昌縣見郡曹掾之子鄭翰奇之妻以女後果魁天下文彥博宣撫河北日用謂彥博此行須得便宜行事請于上遂許之擒王則實日用參勦之力也

張次山日用子少俊邁有才年十六卽入仕調秦興簿因開河部夫整肅工力多先辦包拯薦諸朝清名直節見知于司馬光遂知秦州有鶴詎于庭次山呼兵官使隨去乃其騷爲人所烹次山爲斷治鶴始退飛

張君平滄陽人以父承訓與契丹戰後補官屢立戰功遷右班殿直天聖中爲滑州修河都監塞決河遷鈴轄卒君平有吏材尤明于水利自議塞河朝廷每訪以利害于鞏爲河陰發運判官嗣其父職云

張先字子野烏程人康定初進士詩格清麗尤長于樂府有雲破月來花弄影浮萍破處見山影無數楊花過無影

氏姓譜

卷八

七陽 張氏

三

之句時號爲張三影官至都官郎中

張庠永新人博通經書嘗著斥蠹正言二書以折佛老作元經圖以推五行六度之秘鄭獬吳處厚錢明逸輩皆師之時號白雲先生

張君房安陸人爲著作郎真宗時日本遣使入貢詔本國建寺夷使乞詞臣撰寺記時直院之文多君房代爲之旣言令撰寺記夷使侍命而君房醉飲市樓索之不獲直院大窘後楊億改閉忙令曰世上閒人最號忙紫微人却張君房或謂君房非醉但假此以拒夷俗耳

張昌宗漢陽人處家以義歷入世不分馮京有詩云一水縈迴繞沌村子房苗裔此間存同居八世三千口可惜君恩未表門嘉定間孫杓守夔陽嘉其義捐俸代其納稅事

聞表曰義門

張泌字順之浦城人父彝憲貢禮部不利放懷林壑間泌
篤學爲楊億所稱祥符中登進士歷知寶應縣慶歷中以
章得象薦召試館閣累遷秘書丞獻經國遠猷十篇仁宗
嘉納除右正言知諫院奏乞減後宮浮費抑權倖請託之
弊改殿中侍御史坐論張堯佐出知維州召爲侍御史遷
禮部侍郎給事中進刑部尚書卒泌在臺會趙元昊圍延
安泌五上章極論守將郭勗鈐轄李謂當斬二人坐貶出
及卒仁宗悼之曰朕方大用不意遽亡贈開府儀同三司
張道以御史知宣州因家繁昌千口同居內外肅然楊傑
書義居二字遺之孫崇熙寧三年進士官至太常丞
張巨武進人嘉祐中舉明經少從胡瑗游蔣之奇胡宗愈
丁際爲四友以薦充國子監直講王安石新經行巨卽引
去時論高之有文集四十卷易解十卷

氏姓譜

卷八

七陽

張氏

三

張次元以父任累遷太子中舍提舉淮南路市易事以稱
職聞知信陽軍興學校延置望士學者感孚術業自勸代
還除江淮荆浙福建廣南提點坑冶鑄錢司事躬自巡歷
務革積弊卒于道山陽徐仲車聞之歎曰張公賦性高明
義而能果公不可撓清不可汙考其所尚蓋有志于古之
所謂剛者鄒浩爲叙次其行事云

張翹沅陵人神宗時章惇經畧湖北上書言南北江利害
惇啗之或以告翹曰苟利于人死不惡也惇無以害晚居
深山中以文史自娛杜門不出幾二十年鄉人高之

張樞字子發零陵人性豪爽善屬文紹聖中以太學生上
書言孟后事不報姪子紆字公飭任高尚游張子巖先生
門與張南軒爲友

張徹景陵人元祐中七持使節入割郡符公清趙邁計口

受俸其遺表云神雖去幹忠不忘君兄徽以詩名所著有
滄浪集

張虛白鄧州南陽人通太乙六壬術留心丹竈遇真人得
秘訣宋徽宗聞其名召管太乙宮恩賚無比虛白官太虛
大夫金門羽客出入禁中終日論道無一言及時事曰朝
廷事宰相在非予所知也金人尤重之以爲神仙忽一日
曰某年月日吾當化去至期果然

張梅字材仲敦之子知遂安縣方臘寇嚴兵入遂安縣丞
簿尉皆遇害梅力戰刃中脅擁入巢穴梅諭以順逆禍福
賊不敢害出之賊繼授首改知歸安縣陞臨安府通判歷
知秦閩衡三州皆以惠愛稱卒年七十八終朝議大夫贈
正議大夫

張輝字子充永嘉城南人天資謹飭喜問學自六經諸子
氏姓譜

卷八

七陽

張氏

四

書歷代史記下至百家之說皆通習其辨析精微旁引證
據論議疊疊雖老儒先生莫能屈也游太學屢先多士傳
誦爲楷式兩以親訃哀毀幾不勝衣廬于墓者三年作霜
露堂以享有甘露降于庭人謂孝感所致云

張建侯爲辰州守政和間黃安俊叛圍鎮江塞建侯與盧
陽令王憲之率兵救之衆潰俱被執賊迫使諭寨中人出
降建侯給諾至寨下大呼曰爲人當識順逆我萬無求全
汝等堅守勿懷二心賊怒俱害之郡人哀其忠立祠祀焉
張大年浦城人政和中進士知萍鄉縣時虜寇入江浙羣
盜蝟起萍鄉爲江湖要會日閱卒伍教以兵法聲聞四境
盜不敢入廣西帥周因辟爲經畧司幹官會營道蠻獠恃
險爲逆帥可以兵屬大年遂分據要害持以以待之賊果
以飢潰海寇陳韜等出沒爲兩廣患帥司復奏大年通判

瓊州討之賊聞其威畧率衆來降加秩二等卒道州

張來淮陰人十二歲能文弱冠第進士歷官太學錄遷史館檢討顧義自守澹如也紹聖初以直龍圖閣知潤州坐黨謫官徽宗名爲太常少卿復出知穎汝二州又坐黨籍落職來有雄才筆力絕健誨人作文以理爲主謂六經諸子百氏皆寓理之具學者以爲至言

張大中通州人羣經百氏一覽不忘人目爲黑漆書厨宣和間舉進士授南浦令時稱爲古廉吏累官果州通判

張文之字子經樂平人中書舍人顯之子初通判澶州金兵至守孔福謀夜逸文之曰果爾輕動奈一城何自提兵出登橫澗山與敵搏十餘日經二十餘戰無外援力不支具袍笏東望拜曰彼衆我寡臣惟有一死被執送燕山欲授以官義不屈囚之士窟且曰吾世受宋恩其忍負國虜

氏姓譜

卷八

七陽

張氏

四

重之稍寬桎梏後王朴中和議見文之羈苦狀爲請于酋得一家書附朴還奏當宁悼嘆月給恤其家官其子孝忠張澄紹興八年以右朝請大夫集英殿修撰知建康府改知臨安府上將還臨安澄先往措置陞徽猷閣待制時臨安守臣任同京邑而澄有治劇之才甚有時譽澄言臨安古都會引江爲河支流于城之內外交錯而相通舟楫往來爲利甚博歲久湮塞民頗病之急行開濬從之除戶部侍郎紹興十四年以龍圖閣學士右軍奉大夫知紹興府再知臨安改知温州

張祁字晉彥歷陽人以兄節使虜恩補官祁負氣高義工詩文趙鼎張浚皆器遇之與胡寅交最善時秦檜疑之會其子孝祥舉進士第卽誣祁以罪付大理檜死獲免累遷秘書郎淮安轉運通判諜知虜謀叛監祁屢以聞于朝且

時粟閱兵爲備甚密言者以張皇生事論罷之明年虜果
大入寇祁以孝祥什寢顯不復干進卜居蕪湖築其堂曰
歸去來祁爲人謙恕居官廉靜有守喜吟詩清麗和雅有
劉白風格雜以選體晚嗜禪學號總得翁以壽終有文集
若干卷子孝祥孝章

張孝伯和州人隆興間進士官至叅知政事時韓侂胄當
國孝伯勸弛僞學黨禁一時賢人貶斥者得漸還故職子
卽之以父恩授承務郎累官司農寺丞知嘉興以直秘閣
致仕能書聞天下金人得其翰墨重之如寶

張潤之字伯誠金華人尙禮好義篤實清介專心問學遊
地長山摘其幽勝爲十咏一時名公咸賡詠之元黃潛嘗
爲之跋謂其微言與旨世莫得聞尙賴此詩之存其高風
雅韻猶可概見云

氏姓譜

卷八

七陽

張氏

四

張翰字雲卿號坎翁寧德人以學行爲鄉先生高顧余復
皆其高弟也乾道間舉進士居官蒞民所至有聲年七十
致仕歸所著有觀過三十四章

張夔海陽人政和中進士爲茂名令辨民冤獄太守致疑
夔投告身去太守勉留之諸司列薦爲南中清介惟夔一
人高宗賜璽書勉勵後通判廉州秋毫無取其子昌裔亦
通判容州父子並以清節聞

張炳字明叔和雅端靜士人愛敬之少有奇疾在太學師
事蜀士史載之極醫方之妙暨歸鄉里推心究物無問貧
富貴賤有謁必往視之不避寒暑全活不可勝計鄉人德
之者學能文老而不倦同郡名士魏拔之稱曰太古之遺
民歷水簿澧州錄叅致仕卒年九十

張孝直字英甫臨川人性孝友恬于利欲受學象山之門

信所自見所據者實有易書詩語孟中庸口義五十餘篇
心所未安雖伊洛諸儒議論亦不苟同領袖郡學誘掖後
進士論翕然歸重與章從軒蔡介軒講論終日忘倦多所
發明卒年七十七所著又有要言渾象原意雜詩等藏家
張日用知德涓軍大旱民有爭水者日用曰今與汝借水
三寸三日內還汝乃于水中刻表爲記日用卽詣一廟爲
文具述借水事立廟中以俟卽日大雨使人視其表果及
三寸而止

張恪金壇人性孝友居母喪祥禫逾年不御酒肉有甘露
白鶴之祥

張志道嘉熙間求直言上封事言建儲遷都之事宋亡閉
門著書家貧衣食不給處之泰然所著有易傳等書

張康湘澤人早孤力學旁通術數江萬里留夢爰皆雅重
氏姓譜 卷八 七陽 張氏

之辟置幕下宋亡隱衡山元世祖遣中丞崔彧祀南嶽就
訪隱逸具以聞召引入上都親試所學授著作佐郎禮遇
甚厚遷秘書監丞

張鐘衡山人僕射沒之後益王立詔天下勤王共起兵衡
山移檄安化新化諸獠得民兵數萬文天祥率兵出領相
與接應旣而兵敗被執元參政崔斌欲降之鐘罵曰今日
降而死何以見我祖魏公于地下斌命述起兵本末鐘奮
筆斥罵千百言斌怒殺之

張燧本東平人爲太平路總管治中秩滿因家當塗事母
至孝母卒廬墓三年有紅蓮變白之異郡立孝蓮坊事聞
大德二年旌表

張九哥慶歷中居京師雖盛冬單衣燕王奇之嘗召見與
之酒歲餘見王曰將遠遊故來別有小技欲以悅王乃取

羅重疊剪爲蝴蝶狀隨剪皆飛去莫知其數少頃呼之蜂蝶皆來復爲羅王問曰吾壽几何九哥曰與開寶寺浮圖齊後浮圖災王亦薨

張垓紹興中知橫州橫土瘠民貧家無餘藏脫遇旱潦無假貸之所垓置米千石立爲社倉民皆賴之

張紱清江人強記博覽爲文敏而純粹紹興末舉進士爲澧陽主簿以廉勤稱秩滿調衡州錄參宜春暇日閱究經史有愚谷集十五卷歷代史年表二十卷

張榮知泰州先是金監軍撻懶以舟師犯水寨榮擊敗獲俘馘甚衆遂以榮知是州號張敵萬

張墾其先導江人受業金華王柏得朱氏之學及周程張氏之微元丞相吳曼慶延至江寧學官俾弟子受業其在真州學者尤衆遠近翕然尊爲預師稱曰導江先生

氏姓譜

卷八

七男

張氏

四

張元化葛元弟子嘗寓汝州有前知之明一日名道士周元亨戒之曰吾化之後毋損吾軀既化元亨遵其命葬于城北二里後五年汝州卒成蜀者逢一道士于山峽間謂曰我新去汝若爲我持書五湖司馬周尊師達之無遺卒反投書二人開緘乃元化親札謝二人葬之厚也遂率郡人發塚視之惟空棺有故履存焉宋政和中封冲妙先生

張中庸真宗時知洋州政事清明人稱爲水晶燈籠

張熹字季智以甲科初任平輿令持身廉介慈惠愛民謝

絕情面人不敢干以私邑大旱躬禱未應熹曰居官無善狀上千天怒災累小民乃積柴自焚主簿崇小吏張化從

熹焚焉火旣舉天爲感應霖雨如注是年大有民歌頌焉

張用成宋台州人嘗入成都遇劉海蟾得金丹術歸以所

得著成秘訣八十一首號悟貞篇授扶風馬默曰平生所

學盡在是矣元豐中年九十九跌坐而化有尸解頌

諡

張儉死平人性端慤不事外飾統和十四年進士第一聖宗夢四人侍側賜二口食至儉名始悟尋調雲州幕官時帝獵雲中故事車駕經行長吏當有所獻節度使進曰臣境無他產惟幕僚張儉一代之寶願以爲獻名見容正朴野訪及世務占奏三十餘事稱旨自此顧遇特異踐歷清華號稱明幹開奉二年拜政事舍人屢遷樞密同知太平七年守司徒兼政事令帝方眷倚與參政吳叔達不相能爲出叔達康州刺史拜儉左丞相重熙五年帝幸禮部貢院及親試進士皆儉發之進見不名賜詩褒美爲人質素衣惟細帛食不重味月俸有餘賜給親舊方冬奏事便殿帝見衣袍敝密令近侍記之屢見不易帝問其故對以時尙者靡臣服此袍冀伸諷喻乃令恣取內庫財物獨持布三端而出上見其清廉益加獎重有弟五人欲俱賜進士固辭有司獲入盜已戮乃獲正賊家人訴乞申理上怒曰欲朕償命耶儉謂人家老稚無告少加存恤使得收葬足慰存沒從之凡在相位二十餘年裨益爲多致政歸第上以宋書辭不如禮將親征幸其第却尙食先往具饌進蔡羹乾飯帝食之美徐問以策極陳利害第遣一使問之何必遠勞車駕遂止復卽其第賜宴器玩悉與之十三年儉薨年九十一勅葬死平縣

金

氏姓譜

卷八

七陽

張氏

五

張通古字樂之易州易縣人自幼該綜經史讀書過目不忘復善屬文登遼天慶進士補樞密院令史丁父憂懇辭起復屏居興平會割燕京與宋以素望欲收之辭謝不赴

隱于本州太寧山下與劉彥宗善薦于宗望名主樞密院
儀奏改兵刑房承旨天會四年初建尙書省除工部侍郎
兼六部事高慶裔設磨勘法仕宦多奪官因免去宗幹惜
其才爲申理之除中京副留守尋以河南陝西賜宋選爲
詔諭江南使宋主欲南面見轉令北面不敢傳詔乃設東
西位使者東面主西面受詔拜起皆如儀時約奉表稱臣
聞宋乃置戍河南退詔送伴韓肖胄曰北朝裂壤地以益
南國當思圖報大恩今輒置守戍自取嫌疑若興師問罪
將何以爲辭肖胄惶恐馳白其主遽命罷戍乃還至上京
其自宗幹當及其部置未定早議收復宗幹喜曰是吾志
也卽除行臺參知政事詔宗弼復取河南通古請先行諭
之比至汴宋人已去或疑其詐將自許宿來襲獨言南人
宣言來者正所以走耳宗弼使人覘之宋兵果潰去因撫

氏姓譜

卷八

七陽

張氏

吳

髡笑曰誰謂書生不曉兵事哉河南卒孫進作亂詐稱皇
弟按察大王蓋假託以惑衆規取財物實無其人熙宗遣
護衛特思就汴京行臺鞠治通古執其咎極力辯止人爲
危之咎曰以正獲罪死賢于生由是坐止特思不復緣害
他人天德初遷行臺左丞進尙書左丞平章政事封譚王
改封鄆以疾求解不許拜司徒封瀋王海陵初收威柄御
下嚴厲親王大臣未嘗少假顏色惟見通古必以禮貌時
多信佛法同列張浩張暉每到寺祇州僧法寶上坐反居
其側海陵責以佛者本一小國王子能輕富貴自苦修行
今人妄自崇敬以希福利卿等乃復效此失大臣體何不
師通古老成舊人三教該通足爲儀表正隆元年進封曹
王致仕薨年六十九爲人天資樂易不爲表褻雖居相位
自奉如寒素子沉天德三年賜楊建中榜及第

張萬公字良輔東河人生時父彌學夢至一室榜曰張萬相公讀書堂因名焉幼穎悟喜讀書正隆二年登第調新城縣簿丁憂服闋改費縣簿大定四年爲東京長淶鹽副使課增遷長山令土寇萬人至城倉卒登陴諭以誠意衆咸感悟相率而去邑人賴之爲立生祠久乃補尙書省令史擢河北西路轉運司都勾判官入爲大理評事遷侍御史右司員外郎中丞相徒單克寧許以當代我後世宗悅其敷奏明敏稱爲純直人章宗初置兀路提刑司選爲南京路提刑使以治最遷御史中丞會北邊有警屢命發兵擊之獨言勞民非便與百官議合遂罷兵尋爲彰國軍節度使明昌二年知大興府事拜參知政軍以母老賜告省親還間山東河北粟價貴賤今春苗稼隨處雖得雨尙未霑足上語宰臣奈何萬公進曰自陛下卽位以來興利除

氏姓譜

卷八

七陽

張氏

四

害凡益國便民之事聖心孜孜無不舉行至于旱災皆由臣等若依漢典故皆當免官上曰卿等何罪殆朕所行有不逮者于是下詔罪已四年乞侍義特畀鄉郡授知東平府諭以卿在政府稱職朕心所屬特遂孝養不汝忘也萬公頓首謝且捧書泣六年改知河中府時軍興調發叢劇悉爲寬假使民力易辦人爲繪像于薰風樓又建去思堂移鎮濟南母憂卒哭詔起復拜平章政事封壽國公時帝惑李淑妃有寵用事削罷諫官邊事方殷連歲旱災又多更變制度紛紛無定民謂弗便獨萬公沉厚深謹素務安靜少事與同列議多不合頗畏嫌忌不敢犯顏諫諍須帝有問然後審盡利害而質言之帝雖從而弗行也因兩上表以衰病旬閒特賜告兩月詔諭近卿言數事朕未嘗行乃朕之過卿年未老復起視事上言明昌間役民數萬浩

西南西北臨潢泰州開築壕塹以備大兵連年未就所開旋爲風沙所平無益禦侮而徒勞民宜從御史臺言罷之爲便又主兵者類歸罪屯田地寡無以養贍飢寒不免故此歲征伐軍多敗衄無有鬪志願括民田之旨稅者分給之則士氣自倍方今軍旅之後瘡痍未復百姓拊摩不暇何可重擾矧通檢未久田有定籍括之必不能盡適足以增豪猾之弊長告訐之風必不得已乞以冒地之稅所入贍軍兼推後用浮費可以斂不及民而無待于奪民之田矣皆不報後丞相襄卒爲開築民甚苦之連章請老不許太和元年加榮祿大夫仍賜其子及第明年復謝病求去甚力上勉從之加金紫光祿大夫致仕六年南鄙用兵山東重地須用大臣鎮撫特起知濟南府充山東路安撫使遇連歲旱蝗沂密萊莒濰五州尤甚奏恐民飢盜起乞將

氏姓譜

卷八

七陽

張氏

四

僧道度牒並益引付山東行部納粟易換又上督責有司禁戢盜賊之方上皆從之宋人請和許復致仕加崇進給平章半俸七年卒命依宰臣例燒飯賻葬贈儀同三司諡曰文貞爲人淳厚剛正門無雜賓典章文物多所裁正上嘗與司空襄言秋山之樂意將有事春蒐顧視萬公對曰動何如靜上改容而止輔政八年所薦引多廉讓之士大安元年配享章宗廟廷

張暉字明仲莒州日照人博學該通登正隆五年進士調陳留縣簿淄州酒稅副使課增羨累昌樂承清二令除太常博士兼國子助教父憂服除調山東東路轉運副使入爲太常丞轉左諭德充宋國報哀使至盱眙宋人請赴宴辭以大行在殯受賜亦不舞蹈時服其知禮使還遷太常少卿兼修起居注與完顏守貞奏唐制宰相入閣諫官隨

之欲其預聞政事有所開說每帝臨朝起居郎并舍人左
右對立有命則階俯聽退而書之自來左司上殿諫官
及脩注不避此乃一例迴避雖香閣奏陳亦不令侍凡有
聖訓及所議政事臣等無緣得知似非設官本意若漏泄
政事自應坐罪上從之俄改禮部郎中遷右諫議大夫明
昌元年太傅徒單克寧薨章宗欲親爲燒飯暉奏仰惟聖
慈追念勲臣恩禮隆厚孰不感勸但遇孝懿皇后梓官在
殯太祖時享尙且權停况于臣子禮有未安聖恩至厚乞
賜兩全從之進拜尙書舉漢刺史六條以奏上曰卿言與
朕意合承安元年八月壬子召至內殿問以今南郊大祀
用度不給可俟他年乎對曰陛下卽位于今八年大禮未
舉宜亟行之上曰北方未寧尙致齋之際設有奏報何以
處之對曰豈可逆料小變而妨大禮矧今河平歲豐正其

氏姓譜

卷八

七易

張氏

兕

時也從之上復問僧道三年一試入十取一不亦少乎對
曰此輩浮食無益有損不宜漸多上曰周武帝唐武宗後
周世宗皆賢君其壽不永雖曰偶然似亦有因對曰三君
矯枉太過今不毀除不崇奉是爲得中三年擢御史大夫
懇辭不許明年坐與路鐸奏事不實奪官解職復起爲安
武軍節度使致仕卒爲人清靜寡慾早喪妻室後不復娶
亦無姬侍齋居與二子講論古今諸孫課誦夜分乃罷悉
以爲常居官不附權貴自爲太常禮部二十餘年最明古
今禮學家法爲士族儀表

張行簡暉子字敬甫穎悟力學淹貫經史

大定十九年進

士第一除應奉翰林文字丁母憂歸葬益都杜門讀書人

莫見其面服除復任章宗卽位攝太常博士轉對因論典

故之學乞于博士下置檢閱官二員使通禮學資淺者爲

之積資乃遷博士時夏國遣使陳慰欲致祭大行靈殿言
非專使不可遣使高麗報哀以細故邀阻且出媢言會當
橫賜請俟移問還報行尙未晚徒單克寧聽其言深器重
之轉翰林修撰與路伯達俱進讀陳言文字累遷禮部郎
中奏徃年飢民棄子或旬以與人民遵詔書收養父母衣
食稍充官斷與之自此絕意每遇流離肆爲捐瘠伏見近
代禦災詔書皆曰以後不得復取今乞依此准與施行之
改翰林直學士同修國史拜禮部侍郎又奏今雖有國朝
集禮至于食貨官職兵刑沿革未有成書乞定會要以示
無窮四年詔每奏事須令張行簡常在左右時羣臣屢請
上尊號令作批答因奏宋司馬光嘗諫此事不若范祖禹
臣謂臣子生諡君父頗似慘切上令用祖禹意答之不拘
對偶其文深雅甚得代言之體尋陞順天軍節度使上慮

氏姓譜

卷八八

七男

張氏

五

未嘗治民今至保州民之情僞卒難臆度如何則可對曰
臣奉行法令不敢違失獄訟之事以情察之鈐制公吏禁
抑豪猾以鎮靜爲務庶幾萬分之一上曰在任半載或一
年所得利害上之未幾上書比者括田給軍名雖曰官實
取之民旣一定矣有告欲別給者如臣所管已撥深澤縣
地三百餘頃復告水占沙鹹者三之二若悉從之何時可
定下尙書省議奏如實有水占河場不可耕種本路及轉
運按察司覆同然後改撥若沙鹹塔薄當準已撥爲定制
曰可七年實封御札遣中使馮賢童往問欲退復鎬鄭二
王生前封爵備禮改葬卿可詳闕前代故事密封以聞具
列漢淮南王長楚王英唐隱太子建成元吉譙王重福故
事爲奏并進詔草遂施行焉累遷太子太保太傅翰林學
士承旨貞祐初上書論和議畧言東海郡侯嘗遣約和較

計細故遷延不決今都城危急豈可拒絕臣願更留聖慮
包荒舍垢以救生靈或如遼宋相爲適國歲奉幣帛務選
忠實辨捷之人往與之議庶幾有成可以紓患三年七月
又奏朝廷備防秋兵械令內外職官不以丁憂致仕皆納
弓箭繩以軍期臣謂此係如法軍器其清貧之家及中下
監官安有所蓄必補敝修壞以求應命與倉猝製造何以
異哉不若拘括猛安謀克人戶擇其佳者買之不足則令
縣郡輸所買之價庶不擾而事可辦從其議始得免是歲
卒贈銀青榮祿大夫諡曰文正爲人端慤慎密受人主
終身近職屢典貢舉縉紳榮之其父致仕循康健與弟行
信同居數十年人無間言諸子姪多中第當世罕有所著
文章十五卷禮例纂一百二十卷會同朝獻補袷喪葬諸
錄清臺皇華戒嚴爲善自公等記藏于家

氏姓譜

卷六

七陽

張氏

五

張行信暉字信甫先名行忠諱改登大定末進士累官

銅山令明昌初以廉擢監察御史泰和三年爲山東西路

轉運同知明年召見泰和殿因奏二事一依舊移轉吏目

以除民害一徐邳地下宜麥許收代稅粟以便貧民詔尙

書省議行之崇慶二年爲左諫議大夫論胡沙虎殘忍凶

悖跋扈強梁自其廢黜士庶莫不忻悅今若復用恐爲害

更甚前日書再上不報及行弒逆人甚危之行信坦然不

顧宣宗旣立又疏自古人君卽位必立太子以係天下之

望上嘉納之又言自兵興來將帥甚難其人願令重臣各

舉所知才果可用卽賜名見褒顯獎諭令其自效必有奮

命報國者上善其言三年改安武軍節度使兼冀州管內

觀察使始至上言急務四事朝廷多用其議召爲吏部尙
書轉戶禮二部同修國史四年加太子少保奏遼東宣撫

司參議官王潛言本朝紹高辛黃帝之後立國百年宜如漢祖陶唐唐祖老子爲黃帝立廟合于初興時明著火德旗幟尚赤之意臣按始祖實錄稱自高麗而來未聞出于高辛據所奏欲立黃帝廟乃高辛之祖借曰紹之當爲木德况國初太祖有訓因完顏部多尙白又取金之不變以爲國號未嘗議及火德近章宗朝集百僚議又繼亡宋火德之絕定爲土德以告宗廟詔天下顧潛所言甚爲無謂詔是其言八月上將禘享太廟命與禮官參定儀注祭畢特賜寶券重幣諭以卿進奏章備述隨室讀祝殊爲中理尙非卿言朕幾失之自今每事更宜盡心羣臣多稱其才興定元年父憂起復拜參知政事丞相高琪專權用事衣冠之士動遭窘辱惟行信屢引舊制力詆其非會宋兵侵境廷議遣使詳問琪等謂遣使則先示弱其或不報報而

氏姓譜

卷八

七陽

張氏

五

不遜則愈失國體行信不以爲然因歷數先朝故事皆先遣使詳問然後用兵何爲失體且國步多艱戍兵滋久不思所以休息之如民力何下之尙書省琪等議奏所言固遵舊制但今日事與昔不同詔始待之二年密院得宋人書其族弟行貞受紅襖賊僞命事有干涉出爲彰化軍節度使兼涇州管內觀察使其子莒時爲尙書省令史亦命別加注授臨行諭以朕參決機務卿廷議之際每不據正妄爲異同甚非爲相之道今授此職卿宜悉之去尙未久羣臣皆緘默上諭宰臣此殊非是行信事卿等具知豈以言之故耶自今各宜盡言毋復畏忌始至上言方今軍旅未息馬政尤不可緩近聞陝右豪民多于河州收市轉入內地利常百倍據今省差買馬官平涼府判烏古論桓端云生羌木波諸蕃戶蓄牧甚廣前所遣官每以勢陵抑奪

其直遂致失和且常患銀少所以不能多得又聞蕃地今秋薄收驚馬得銀亟欲易粟其價甚低乞令所司多輦銀粟于洮河等州選委知蕃情達時變如桓端者相與貿易實方今莫大之益上採納之元光元年累遷保太靜難二軍節度使兼鄜與邠州管内觀察使未幾致仕哀帝卽位起爲尙書左丞言事稍不及前人望頗減尋復致仕家居惟以抄書教子孫爲事葺園池汴城東築亭號靜隱時與侯華輩游詠其間往遊嵩山因曰吾意欲主此山正大八年二月乙丑果終于崇福宮年六十九爲人純正眞率不事修飾兩登相位殆若無官然遇事輒發無所畏避每奏事上前旁人爲動色而自處坦如卒後雖素忌者亦曰正人亡矣

張用直臨潢人少以學行稱遼王宗幹聞之延置門下海
氏姓譜 卷八 七陽 張氏 五

陵兄弟皆從之學天眷二年以教宗子賜進士及第除禮部郎中海陵卽位召爲簽書徽政院事擢太子詹事諭以朕雖不能博通經史亦粗有所聞皆卿平昔輔導之力太子方就學宜善道之朕父子並受卿學亦儒者之榮也从之爲賀宋國正旦使卒于汴上深悼惜遣使迎護其喪官給路費喪至臨奠賜錢十萬養子始七歲特授武義將軍張特立字又舉曹州東明人泰和三年登第調宣德州司候郡多皇族律之以法閭境肅然轉萊州節度判官不赴躬耕祀之韋城談經自樂正大初侯摯師安石薦其才授洛陽令四年拜監察御史上章言謀反大逆皆蒙湔雪鑄厲二宅久加禁錮有傷世宗在天之靈聖嗣未立蓋由是也方今三面受敵百姓凋敝右丞顏蓋世魯遣奴與小民爭田失大臣體參知徒單兀典詭事近習得居其位省掾

高禎輩受請託飲媚家皆宜罷去當路者忌其直陰擠之
遇平章白撒獮軍陝西歸禎等泣訴以當時同席並有省
掾王賓爲其進士故不劾白撒以其言爲私且不實左遷
特立邳州軍事判官賓亦勒停士論惜之去後優游田里
卒年七十五

張亨字彥通大興鄆陰人皇統六年登第調樊山縣丞以
廉幹聞受宏州軍事判官歷鉅鹿宜川二縣令大定二年
累遷左司郎中戶吏二部侍郎擢中都路都轉運使坐失
舉草場鄧汝霖盜草事解職起授戶部尙書世宗嘗問平
章張汝霖亨與馬惠迪人材孰優對曰惠迪爲人雖正于
事不敏亨吏才極高時車駕東巡上京費用百出自遼以
東距都四千里泉貨甚少計司患其不給欲釐運以支調
度率三而致一亨奏不獨在費國用且重勞民力乃創會

氏姓譜

卷八

七陽

張氏

五

便法使行旅便于囊橐國家省于轉輸詔從之俄因奏事
脫畧出爲絳陽軍節度使復語宰臣漢人三品以上官常
少得人如張亨頗爲衆議所歸近令補外可惜也章宗卽
位方重九路提刑擢爲河東南北路提刑使兼勸農採訪
事訪其利病條爲十三事以聞上嘉納之明年遷南京路
轉運使轉知歸德府事致任泰和二年卒年七十八亨才
識強敏明達吏事每存大體畧苛細終始咸有可稱

張大節字信之代州五臺人初調崞縣丞改東京市令世
宗判留務甚愛重之海陵修汴京命領其役遼陽變起不
爲趨附隨例補尙書省令史擢秘書郎大理司直至左警
巡使因杖殺豪民解職未幾起授洛州防禦同知入爲工
部員外郎盧溝水嚙安次承詔護視堤成擢修內司使擢
排東京路戶籍人服其平進工部郎中與吏部員外郎麻

珪池阜通監鑄錢積銅皆竄惡議徵民所給直大節獨以爲有司受納之過于民何與事聞得免就改戶部郎中廉得定襄退吏誣縣民匿銅者十八村反罪坐之民斲石以頌世宗東巡徙大府監從行支應皆籍以辦尊爲宋生日使還授橫海軍節度使過闕謁謝東宮顯宗撫慰良久曰萬事惟中可也因榜其公堂曰惟中郡境有巨盜久不獲因設方畧擒之河決而東相宜繕堤水不爲害章宗卽位擢中都路都轉運使言河東賦重宜減議者不同賴以他路田賦質之遂命減焉乞休優以鄉郡徙知太原府近郭有男子被殺聞其妻哭聲不哀名而審之果獲姦夫人以爲神遷知大興府綽有能名闕歲復移廣寧轉震武軍節度使部有銀冶議以官權爲便獨奏山澤之利當與民共宜明示約束于民授地輸課則游手者有所資當官者無

氏姓譜

卷八

七陽

張氏

五

所損斯爲兩便上從之世宗嘗語宰臣大節賦性忠實果于從政惜乎用之太晚承安五年致仕卒年八十大節爲人廉勤好學能勵勉後進所學得于任侗待侗子如親而加厚又善奕棋當世推爲第一與張景仁相埒

張升字進之大同人戶工部令史出身由漁陽縣簿遷絳州錄事參軍自言我本小人受國家官祿今日遭此不幸我不能從反賊言訖赴水死岸上數百人皆嗟惜之及徒單百家鄭西之敗單騎間道入京爲上言鐵嶺敗狀于是籍重喜家貲暴兀興爲罪首勝之通衢

張順本淄州士伍時州被圍行省侯摯遣總領玉廷玉將兵救之募順等三十人往覘兵勢且欲令城中知援兵至乘夜潛至城下爲敵所執使宣言行省軍敗績庭玉亦死宜速降順陽爲許諾既乃嘆曰得爲忠孝鬼足矣呼曰外

兵無多王提控軍且至堅守毋降兵刃交下遂死淄人知
救兵至以死堅守城賴以完後贈宣武將軍棣州防禦同
知諱有司給養其親且訪其子孫優加任用

張乞驢淄州民貞祐初元兵復取淄州時與軍事判官齊
鷹揚屯留縣尉致仕楊敏中募兵備禦城破三人率衆巷
戰劊甚被執欲降之不肯屈向守者稍息卽起奪槊殺數
人而死事聞詔贈乞驢宣武將軍淄州軍事同知立廟以
時致祭焉

張資祿咸平府人也泰和伐宋從軍有功調易縣尉遷潞
縣簿貞祐初遙授德州防禦同知改秦州興定元年擢西
寧州刺史賜姓女奚烈久之遙授臨洮府同知定西刺史
從都監阿鄰破宋兵于梢子嶺三年攻破武林關以功最
遙授通遠軍節度使五年復改隴安金安二軍詔卿久在

氏姓譜 卷八 七陽 張氏 五

行陣御下有法舊隸士卒多在京兆今正防秋關河要衝
悉心備禦將兵救鄆州鄆州城破被執不肯降遂死贈銀
青榮祿大夫中京留守元光元年錄其二子烈山林泉升
職一等陝西行省軍中用之

張邦憲字正叔秦州人登正大中進士爲永固令天興二
年避兵徐州卓翼率兵至城邦憲被執將驅之北邦憲罵
曰我進士也蒙朝廷用爲邑長可從汝曹反耶遂遇害

張天綱字正卿霸州益津人至寧元年詞賦進士性寬厚
端直論議醇正造次不少變累官咸寧臨潼二令入補尙
書省令史以鯁直聞陞戶部郎中哀宗東幸改左右司扈
從至蔡時遇久雨徒行泥水中掇青棗爲糧數日足脛盡
腫轉御史中丞上馭扶溝縣招撫司知事劉昌祖言官軍
在前飢民在後南踐江淮西入巴蜀一舉破宋命天綱面

詰以時方式微何顯他及然重違上命且恐閉塞言路奏以爲尙書省差委官時食不給護衛女奚烈完出近侍局直長粘合斜烈奉御陳謙權近侍局直長內族泰和皆怨言乞往陳州就食奏命監之出門及汝南岸輒爲元兵所殺時人快之妖人烏古論先生自言能使軍士服氣可不費糧右丞仲德欲假其術以駭敵力辨以爲不可遂止軍吏石抹虎兒求見仲德自謂有奇計退敵問之言北兵所恃者馬今欲制其人先制其馬因出馬面具穉惡如獅子狀別製青麻布爲足尾仍繫大鈴于頸壯士乘之以突彼騎必皆驚逸我軍鼓譟繼其後此田單所以破燕也上頗信此二人天綱言取笑敵人亦罷蔡城破宋將江海執之孟珙械至臨安俘見廟社旣而命臨安知府薛瓊訊問不屈令供狀必欲書主名天綱但書故主而已聞者憐之後

氏姓譜

卷六

七陽

張氏

七

不知其所終

張建字吉甫蒲城人有詩名著有蘭泉集行世明昌初建授絳州教官名爲應奉翰林文字以老乞休章宗愛其純素授華州防禦同知仍賜詩以寵之

張從正字子和睢州考城人精于醫業貫穿難素之學起疾救死多所取效世傳黃帝岐伯所爲書有汗下吐三法各有經絡脈理亦有不當汗不當下不當吐者汗與下吐之則死惟從正用之最精號張子和汗下吐法妄庸淺術背其方劑不知察脈原病往往殺人此庸醫所以失其傳之過也其所著見行于世有六門二法之目

張潛字仲升武清人幼有志節慕荆軻韞政之爲人年三十方折節讀書時人高其行誼目爲張古人後客嵩山從仲振受易年五十始娶魯山孫氏亦有賢行夫妻相敬如

賓負薪拾穗行歌自得不復知其貧也鄰里有爲潛種瓜者及熟讓潛弗取中道拾一斧訪其主輒還之里有兄弟爭財者讓曰獨不畏張先生知耶其爲人敬服如此天與間孳家避兵少室山不食七日孫氏亦投絕澗偕死焉

張元素字潔古易州人八歲試童子舉二十七試經義進士犯廟諱下第乃去學醫無所知名夜夢有人用大斧長鑿鑿心開竅納書數卷于其中自是洞徹其術會劉完素病傷寒八日頭痛脈緊嘔逆不食方困卧聞元素往候完素面壁不顧元素曰何見待之卑如此旣爲診脈語所患云云劉曰然初服某藥用某味乎曰然元素曰子誤矣某味性寒下走太陰陽亡汗不能出今脈如此當服某藥則效矣劉乃大服如其言遂愈由此顯名治病不用古方自爲家法其說曰運氣不齊古今異軌古方新病不相能也

氏姓譜

卷八

七陽

張氏

五

張格大定中陽城尹其爲治尙清淨務簡易以經術飾吏事寬而有斷嚴而有容民樂其化爲去思碑

張元絳州正平令有治績時有韓希甫王兢相繼治河內皆有幹能而元嗟不及故縣民爲之諺曰西山至河岸縣官兩人半

元

張文謙字仲謙邢州沙河人幼明敏善記誦與太保劉秉忠同學世祖居潛邸受邢州分地秉忠薦文謙可用召掌王府書記邢州當要衝初分二千戶爲勲臣食邑歲遣人監領徵求百出民弗能堪文謙言于上曰今民生困敝莫邢爲甚盍擇人往治之責其成效使四方取法乃選近侍脫兀脫尙書劉肅奉御李簡往三人協心爲治不朞月戶增十倍世祖由是益重儒士任之以政從征大理國相高

秦祥拒命殺信使遁去世祖怒將屠城文謙與秉忠請宥之乃止從攻漢鄂文謙與秉忠言王者之師不可嗜殺世祖曰期與卿等守此言既入境下令諸將毋妄殺毋焚人室廬所獲士女悉縱還世祖卽位命文謙爲中書左丞時王文統爲平章素忌刻議論屢相可否文謙積不能平遽求出詔以本職宣撫大名臨發語文統曰民困日久况當大旱不量減稅賦何以慰來蘇之望至任蠲常賦十之四商酒稅什之二境內大治昔年來朝復留居政府至元初復以中書左丞行省中興路羌俗素鄙野事無統紀文謙得蜀士陷于俘者五六人出之使習吏事旬月間簿書有定式于弟亦知向學俗爲一變後唐來漢延三渠溉田十數萬頃人蒙其利三年還朝諸勢家言有戶數千當役屬爲私奴者議久不決文謙謂當以乙未歲戶籍爲斷其未

氏姓譜

卷八

七陽

張氏

无

占籍者歸之勢家可也其餘良民無復爲奴之理議遂定永以爲法淄州妖人胡王惑衆事覺連逮百餘人文謙曰愚民無知被誑誅其首惡足矣帝卽命文謙往決獄惟坐三人棄市餘皆省釋七年拜司農司卿先是燕京副使高天錫言于文謙曰農桑者衣食之本不務本則民衣食不足教化不可興文謙乃奏立司農司以天錫等爲巡行勸農使并請開籍田行祭先農先蠶禮復請立國子學選貴胄子弟教育其中久之遷御史中丞河合馬慮臺憲發其姦欲奏罷諸道按察司文謙持不可然自知與權貴忤力求去會世祖以大明歷歲久浸差命許衡等造新歷乃授文謙昭文館大學士領大史院事十九年拜樞密副使歲餘以疾卒文謙早從劉秉忠洞究術數晚交許衡尤粹于義理之學是非得喪一不以經意家惟藏書數萬卷尤

以引薦人材爲已任追封魏國公諡曰忠宣

張德輝字耀卿葺寧交城人少力學數舉于鄉貞祐兵興家業蕩盡金亡北渡史天澤開府真定辟爲經歷官從南征時軍士多逃亡獲者必戮以警衆德輝言太過止醜令交城光州下葦山農民結寨爲固天澤欲攻之德輝曰鄉民爲自保計當曉以禍福如或旅拒攻之未晚果相繼來降世祖在潛邸名見問曰孔子沒已久今其性安在對曰聖人與天地終始無往不在殿下能行聖人之道性卽在是矣又問或云遼以釋廢金以儒亡有諸對曰遼事臣未敢知金季乃所親睹率執皆武弁世爵間用一二儒臣及論軍國大計又不使預聞大抵以儒進者三十一然則金之淪亡自有任其咎者儒何與焉又問祖宗法度具在未盡設施者甚多將如之何德輝指銀槃喻曰創業之主

氏姓譜

卷八

七陽

張氏

本

如置此器精選白金良匠規而成之昇付後人傳之無窮當求謹厚者可掌乃永爲寶用否則不惟缺壞恐尙有竊而去之者世祖良叅曰此正吾心所不忘也又問農家作勞何衣食之不贍對曰農桑天下之本衣食用從出今男耕女織終歲勤苦擇其精者輸之官餘糞惡者將以仰事俯育而親民之吏復橫歛以盡之則民鮮有不凍餒者矣會上春釋奠致胙因問孔子廟食之禮對曰孔子爲萬代王者師有國者尊之則嚴其廟貌修其時祀其尊崇與否于聖人無所損益特以此見時君崇儒重道之意何如耳又問典兵與宰民者爲害孰甚對曰軍無紀律縱使殘暴害固非輕若宰民者頭會箕歛以毒天下使祖宗之民如蹈水火爲害尤甚世祖默然曰然則奈何對曰莫若更遣宗室之賢如口溫不花者使掌兵權勳舊如忽都虎者使

主民政則天下均受賜矣是夏德輝得告將還又陳先務
七事曰敦孝友擇人才察下情貴兼聽親君子信賞罰節
用度切直多所開悟未幾德輝與元裕北覲請世祖爲儒
教大宗師世宗悅受之因啟累朝有旨蠲儒戶兵賦卽令
有司遵行仍命德輝提調眞定學校世祖卽位命宣撫河
東下車擊豪強黜賊吏均賦役耆耄不遠千里來謁曰六
十年不復見此太平官府矣河東徭役官吏率賦一征十
民不勝其困致多流亡德輝閱實戶編均其等第出納有
法考績爲十路最陞見帝勞之命疏所急務條四事曰嚴
保舉以取人材給俸祿以養廉吏易世官而遷都邑正刑
罰而勿屢赦帝嘉納焉遷東平路宣慰使奏免遠輸豆粟
二十萬斛和糶粟十萬斛同知寶合丁議欲官賦蠶絲令
民稅而後輸德輝曰是誣上以毒下也且輸納後期之責

氏姓譜

卷八

七陽

張氏

六

孰任之遂罷其事至元三年召參議中書省事有言沿邊
將校冒代軍士虛耗廩幣者帝怒將遣使按治德輝奏曰
在昔將校備嘗艱阻與士卒同甘苦今年少子弟襲爵或
以微勞進用豈知軍旅之事乎致朝廷勅使覆按此省院
素失約束耳若悉繩以法則人不自安今但易其部署選
武毅有才畧者任之則軍政自新時委風憲官體究則宿
弊自革有旨命德輝議御史臺條例德輝曰御史執法官
今法令未明何據而行此事行之不易又難中止陛下宜
慎思之後數日復召德輝曰朕慮之已熟卿當力行對曰
若必欲行乞立宗正府以正皇族外戚得以糾彈女謁無
令奏事諸局承應人皆得究治帝良久曰可徐行之五年
擢侍御史辭請老命舉任風憲者疏烏古倫眞等二十人
以聞德輝天資剛直博學有經濟器毅然不可犯望之知

爲端人性不喜嬉笑與元裕李治遊封龍山時人號爲龍山三老卒年八十

張雄飛字鵬舉瑯琊臨沂人父琮仕金守盱眙後罷徙居許州雄飛幼失母琮妾李氏養之蒙古兵屠許誰飛方十歲李攜之變服以免遂寓潞州金亡雄飛不知父所在往來澤潞求之十餘年嘗客食僧舍已而入關陝歷懷孟潼華求其父終弗得旣入燕居數歲通諸國語至元二年廉希憲薦之世祖名見慨然陳當世之務授同知平陽路轉運司事帝問處士羅英誰可大用者對曰張雄飛公輔器也帝命驛名至問以當今所急對曰太子天下本願早定以繫人心帝方卧矍然起稱善他日與江孝卿同名見帝曰今任職者多非材政事廢弛譬之大厦將傾非良工不能扶卿輩能任此乎孝卿謝不敏雄飛對曰古有御史臺

氏姓譜

卷八

七陽

張氏

六

爲天子耳目凡政事得失民間疾苦皆得言百官姦邪不職者卽聽糾劾如此則綱紀舉天下治矣帝曰善乃立御史臺以前丞相塔察兒爲御史大夫雄飛爲侍御史會議立尙書省雄飛立爭于帝前忤旨左遷同知京兆總管府事公主有家奴逃渭南民間爲贅婿主過識之捕其奴與妻並械繫其妻之父母盡沒其家貲雄飛與主爭辨辭色俱厲主不得已惟挾其奴以去入爲兵部尙書平章阿合馬在制國用司時與亦麻都丁有隙至是羅織其罪同僚爭相附和雄飛曰所犯在制國用時平章獨不預邪有泰長卿劉仲澤者亦以忤阿合馬意下吏欲殺之雄飛堅持不可阿合馬使人啗之曰誠能殺此三人當處以參政雄飛曰殺無罪以求大官吾不爲也阿合馬怒出爲禮州安撫使三人竟坐死時禮州初下民懷反側雄飛至宣布德

教民遂以安有巨商二人犯匿稅及毆人事僚佐受賂欲
寬其罪雄飛繩之益急或曰此細事何執之堅邪曰吾非
治匿稅毆人者欲改宋弊政慙不畏法者耳改遷荆湖北
道宣慰使有告常德富民十餘家將爲亂衆議以兵討之
雄飛曰告者必其仇也且新附之民當處以靜鎮苟有他
吾自任其責徐察之果如所言先是荆湖行省阿里海牙
以降民三千八百戶爲家奴自置吏治之歲責租賦雄飛
請歸其民于有司不從雄飛入朝奏其事詔還籍爲民尋
拜御史中丞行御史臺事阿合馬恐其子忽辛爲江淮右
丞不相容奏留雄飛不遣十九年拜中書參知政事時阿
合馬旣死特其用事久賣官鬻獄紀綱大壞雄飛乃先自
降一階于是僥倖趨躐者皆降忽辛被逮至中書雜問歷
指宰執曰汝曾受我家錢何得問我雄飛曰我曾受否曰

氏姓譜

卷八

七陽

張氏

六

公獨無曰如是則我當問汝矣遂伏辜二十一年冬盧世
榮復起雄飛遂罷先是雄飛嘗坐省中帝名見便殿謂曰
聞卿貧甚特賜白金二千五百兩鈔二千五百貫旣出又
加賜黃金五十兩及諸酒器雄飛拜受封藏于家及罷
政阿合馬之黨竟矯詔追奪或勸其詣省自白雄飛曰上
以老臣廉故賜臣然臣未嘗敢輕用而封藏以俟者正虞
有今日耳又可自辨乎二十三年起爲燕南河北道宣慰
使率于官子師野宿衛東宮時阿里海牙入覲請以爲荆
南總管雄飛固止之歸謂其子曰今日欲有官汝者汝宿
衛日久固應得官然我方執政天下必謂我私汝我一日
不去此位汝輩勿望有官也其介慎如此

張思明字士瞻其先獲嘉人後徙輝州幼穎悟過人至元
間由侍儀司舍人辟尚書省掾阿合馬旣死世祖追論其

奸命尙書省簿問遺孽一日名右丞何榮祖左丞馬絳盡輸其贓以入思明抱牘從日已昏命讀之自昏達曙帝聽志疲曰讀者吐音大似侍儀舍人榮祖曰正由舍人選爲掾者帝奇之曰斯人可用授湖廣行省都事歷遷兩浙塩運使仁宗皇慶初歲課日益僚屬請上羨數思明謂羸縮不常萬一以羨爲額是我希一已之樂遺百世之害不可延祐三年拜中書參知政事時浮屠妙總統有寵勅中書官其弟五品官思明執不可帝大怒對曰選法天下公器徑路一開來者雜遝故寧違旨獲戾不忍隳祖宗成憲使四方得窺陛下淺深也帝心然其言而業已許之乃曰卿可姑與後勿爲例止授萬億庫提舉不與散官近臣疾其執法峭直日搆讒問改工部尙書帝問左右曰張思明居工部得無快快乎對曰勤政如初帝嘉嘆之遷西京宣慰

氏姓譜

卷八

七陽

張氏

奇

使會左丞相合散辭職帝詰之曰臣自揆才薄恐誤國事若必欲用臣願薦一人爲助帝問誰可者以思明對卽日仍拜參知政事比名至車駕幸上都見于道慰勉良久尋以右丞相鐵木迭兒擢中書左丞英宗宅憂鐵木迭兒方枋政日誅戮不已思明謂曰山陵甫畢新君未立丞相恣行殺戮人皆謂陰有不臣之心萬一諸王駙馬疑而不至將奈何鐵木迭兒悟曰非左丞幾誤吾事帝造壽安山寺御史觀音保鎖咬兒哈的迷失成珪李謙亨等強諫帝震怒殺觀音保等二人而以珪謙亨屬吏思明白丞相曰言事御史職也祖宗以來未嘗殺諫臣成李旣屬吏當論法二人得不死及拜住爲左丞相與鐵木迭兒各樹敵思明懼禍及累辭不獲後以不給蒙古子女口糧餓死四百人帝怒杖逐之家居杜門六年文宗初起爲江浙左丞會

陝西飢中書省撥江浙益課十萬錠賑之吏白周歲所入已輸京師思明曰陝西飢民猶鮒在涸轍若不與是索之枯魚之肆也其以來年未輸者如數與之有罪吾當坐朝廷遣之復名爲中書左丞卽移疾去卒年七十八平生不治恒產惟收書三萬七千餘卷尤明于律與謝仲和曹鼎新同稱三絕贈清河郡公諡曰貞敏

張 東安州人父仁義金末徙家益都太宗下山東仁義方走信安時燕薊已下獨信安猶爲金守蒙古兵圍信安仁義開門出戰圍解以功署軍馬總管守信安踰十年度不能支乃舉城附授管軍元帥後攻歸德飛矢入口折其二齒鏃出項卒禧年十六從大將阿木魯南攻徐州歸德復從元帥察罕攻壽春皆有功性峭直爲主將所忌誣以罪欲寘之法時王鶚侍世祖于潛邸禮密往依之鶚薦禧

氏姓譜

卷八

七陽

張氏

奇

與其子宏綱俱入見從南征時方攻鄂州諸軍穴城以入宋樹柵爲夾城于內入戰輒不利命以厚賞募敢死士禧與宏綱應募由城東南入將至城下帝憫其父子俱入險地諭止一人進戰禧所執槍中弩矢折取宏綱槍以進破城東南角有逗留不前者十餘人立城下宏綱復奪其槍入轉戰良久禧身中十八矢一鏃貫腹悶絕復甦世祖急命取血竭飲之旣愈復從大將納剌忽與宋兵戰于金口李家洲皆捷世祖卽位授新軍千戶從征李璫時宋乘璫叛遣夏貴襲取斬縣宿州等城禧移兵攻之盡復諸城至元初擢唐鄧等州總管與宋將呂文煥戰于高頭赤山乘勝復均州改水軍總管合習水戰從攻襄樊宋夏貴率兵援襄陽禧從元帥阿朮戰却之會江水暴溢宋遣范文虎以戰艦千餘艘來援禧率輕舟夜銜枚入其陣揮葦以識

水之深淺及還阿朮卽命禧率四翼水軍進戰宋兵潰追至淺水奪戰艦七十從攻樊城焚其串樓敗宋將張貴于鹿門山行省集諸將問破襄陽策禧言襄樊夾漢江而城敵人橫鐵鎖置木橛于水中若斷鎖毀橛以絕其援則樊城必下樊下則襄陽可圖伯顏用其策襄樊相繼下命禧爲水軍先鋒敗宋孫虎臣于丁家洲尋移屯黃池以邊宋援兵有功加水軍萬戶時朝廷議征日本禧請行與右丞范文虎左丞李庭同率舟師泛海東至平壺島禧卽舍舟築壘約束戰艦各相去五十步止泊以避風濤觸擊俄颶風大作宅戰艦悉壞禧所部得完文虎等議班師時島中屯兵數千乏舟禧曰我安忍棄置于此悉去舟中所載馬濟其還至京文虎等皆獲罪禧獨免

張宏綱字憲臣年十八父禧爲主將所誣繫獄宏綱直入

氏姓譜

卷八

七陽

張氏

六

獄中併受繫佯狂謔笑守者易之旣寢遂與其父逸去後從父攻城徇地屢有功襲萬戶盜起安吉宏綱率兵往捕未踰旬擒之從參政高興破建德溪寨諸賊授河南諸翼征行萬戶從右丞劉深征八百媳婦師次入番與叛蠻宋隆濟等力戰而歿追封齊郡公諡曰武宣

張柔字德剛易州定興人世力農柔少慷慨善騎射金貞祐間河北盜起柔聚族保西山選壯士結隊伍自衛郡人張信假柔勢竊流人女爲妻柔鞭信而還其女信憾之謀結黨害柔未幾信有罪當誅柔救得免壯士慕其義多從之金中都經畧苗道濶署柔爲左監軍道濶尋爲其副賈瑀所殺瑀遣使好辭來告曰吾得除道濶者以君不助兵故也柔叱使者曰瑀殺吾所事吾恨不食瑀肉反相戲耶檄名道濶部曲誓復仇衆感奮道濶麾下何伯祥得所

佩金虎符以獻衆推柔行經畧使事太祖兵出紫荆口柔
遇之逆戰于狼牙嶺馬蹶被執遂降太祖命爲河北都元
帥招集部曲南下克雄易安保諸州攻賈瑀于孔臺山誅
瑀剖其心以祭道潤引兵次滿城金帥武仙會兵數萬來
攻柔出奇兵破之乘勝下完州于是邢陽曲陽諸城寨皆
降旣而中山府叛柔引兵圍之戰于新樂飛矢中其領折
二齒柔拔矢血戰遂克中山仙會兵攻滿城柔登城拒戰
復爲流矢所中開門突擊仙敗走畧地至金鼓城單騎入
降之進克深澤寧晋安平棘諸縣闢地千餘里一月間
與仙遇者十七每戰輒勝威名震河朔燕將孱赤台數凌
柔柔不稍下潛詣于中都行臺曰曩者柔被執而降非本
心使今不圖後必難制行臺名柔幽之土室孱赤台施帳
寢其上環以甲騎明日將殺之孱赤台一夕暴死柔乃得

氏姓譜

卷八

七陽

張氏

七

脫金經畧使固安王子昌與信安張進連兵阻水爲固柔
出不意率兵徑渡生擒二將以還分遣驍將畧彰德狗齊
魯河南山東聞風欵附詔授柔行軍千戶保州等處都元
帥柔以滿城地隘乃徙治保州保自兵燹後荒廢者十餘
年柔刻荆榛立市井定民居置官廨引泉入城疏溝渠以
瀉卑濕通商惠工遂致殷富後改保定路爲燕南一大都
會從皇弟拖雷伐金語其衆曰吾用兵殺人多矣寧無寬
者自今非與敵對陣誓不殺也圍汴京柔軍于城西北金
主走睢陽汴京下柔獨入史館取金寶錄並祕府圖書訪
求耆德及燕趙故族十餘家衛送北歸遂圍睢陽金主走
蔡州州恃柴潭爲阻外卽汝河潭高于河五六丈會宋遣
荆湖制置孟珙以兵糧來助戰珙決其南入汝水潭涸抵
其外郭金人懼啟南門死戰柔以步卒千餘突其陣仍遣

張信據其內陞諸軍齊進金主自殺汝南旣破下令屠城
小校縛一人至貌獨異柔問之金狀元王鄂也解其縛待
以賓禮入朝太宗歷數其功班諸帥上遷民軍萬戶從皇
子曲出伐宋詔屯兵曹武道出九里關柔欲率所部徑往
或言關甚險宋必設伏不聽與二十騎直前據關方解甲
食宋兵出兩山間圍數重騎皆失色柔單騎馳突潰圍大
軍繼至遂達曹武悉下緣山諸堡已會諸軍取光州進趣
黃州破三山寨宋懼請和乃還大帥察罕攻徐州柔以二
百騎往時廬泗安豐間宋屯戍相望柔且戰且前至滁察
罕以城久不拔欲解去柔請決戰旣陣宋驍將出柔稍却
宋將執柔轡曳入其陣飛石中柔鼻兩軍鬪柔得還裹創
復戰先登拔之詔以本官節制河南諸翼兵馬會八萬戶
兵伐宋柔率師自五河口濟淮畧和州諸城師還分遣部

氏姓譜

卷八

七陽

張氏

六

將千人屯田襄城察罕奏柔總諸軍戍杞初河決于汴西
南入陳留分爲三杞居其中潭宋兵恃舟楫之利駐亳泗
出汴洛以擾河南柔卽杞之東西中三山夾河順殺水勢
築連城結浮梁爲進戰退耕計敵不敢犯且合諸軍攻破
壽州又敗宋師于泗州軍吏夾谷顯祖得罪亡走上變訴
柔詔逮柔北去卒辨其誣得釋憲宗卽位仍爲軍民萬戶
命移鎮亳州環亳皆水非舟楫不通又渦水北溢淺不可
舟軍旣病涉曹濮魏博粟皆不至且百丈口爲宋往來之
道柔併築甬路一自亳抵汴百二十里一自亳而南六十
餘里流深不能築復爲橋十五廣八十尺均置堡立戍其
中由是糧無不達並得通陳蔡潁息商賈之利復建孔子
廟設校官弟子員入奏帝悅賜翎根甲一從攻鄴州世祖
出大勝關柔由虎頭關會兵攻其城連旬不下世祖曰吾

猶獵者不能擒圈中豕野獵以供汝食汝可破圈取之柔
令何伯祥作鵝車洞握其城別遣勇士先摧破其西南角
會憲宗凶問至世祖北還命柔統軍城白鹿磯爲久駐計
世祖卽位詔班師取其子宏慶入質柔獻金寶錄于朝且
請致仕封安肅公以第八子宏畧襲職復命柔判行工部
事城大都進封蔡國公卒謚武康延祐五年加封汝南王
改諡忠武

張宏範字仲疇易州定興人柔子也善馬槊間能爲詩歌
年二十授行軍總管從討李璿于濟南柔戒之曰汝圍城
勿避險地險則汝無怠心兵必致死主者慮其險苟有犯
必赴救可因以立功宏範營城西璿每出軍侵突獨不向
宏範營宏範曰我營險地璿故示弱于我必以奇兵來襲
謂我勿悟也遂築長壘內伏甲而外爲濠開東門待之夜
氏姓譜

卷八

七陽

張氏

九

浚濠益深廣璿不知也明日果擁飛橋來攻未及岸軍陷
濠中得跨濠上者突入壘門遇伏皆死柔聞之曰真吾子
也璿旣誅宏範亦以例罷兵柄世祖念其有濟南功至元
初授順天路管民總管俄祿守大名歲大水漂沒盧舍宏
範輒免民租帝謂其知大體勿問會史天澤督諸道兵圍
襄陽授宏範益都淄萊等路行軍萬戶廷議以益都兵本
璿舊卒勇悍難制故命領之成鹿門堡以斷宋餉道且絕
郛復之援宏範建言曰國家規取襄陽周于圍而緩于攻
者無非重人命而待其自斃也曩者夏貴乘江漲送衣糧
入城我師坐視無肯禦者且其境南接江陵歸峽商賈行
旅休卒道出襄陽南者相繼寧有自斃之時乎若城萬山
以斷其西立柵灌子灘以絕其東則庶幾速斃之道也天
澤用其言移宏範兵戍萬山旣城與將佐較射出東門宋

師奄至衆欲退宏範曰吾與諸君在此何事敵至將不戰乎卽擐甲上馬遣偏將李庭當其前親率二百騎爲長陣令曰聞吾鼓則進宋軍步騎相間突陣宏範軍不動再進再却宏範曰彼氣衰矣鼓之前後奮擊宋師奔潰攻樊城流矢中其肘束劔見其主帥曰襄在江南樊在江北若截江道斷其援兵水陸夾攻樊必破矣樊破則襄陽何所恃明日出銳卒先登拔之遂下襄陽丞相伯顏伐宋宏範率左部軍循漢江東畧郢西南取武磯堡轉戰而前諸軍繼進宋師潰長驅至建康時方暑帝遣使諭伯顏緩兵宏範曰今敵已奪氣正當乘破竹之勢取之豈宜延緩使敵得爲計丞相詣闕面諭形勢得旨進師次瓜洲宋姜才統勁兵二萬出楊子橋夾水爲三壘陣宏範從元帥阿朮出先以十三騎徑渡衝之陣堅不動宏範佯北一騎躍馬揮刀

氏姓譜

卷八

七陽

張氏

七

直趣宏範宏範旋轡迎刺應手斃馬下奮戈急擊才潰走宋張世傑孫虎臣等率水軍于焦山決戰宏範一軍縱旁橫擊至圖山東奪戰船八十艘俘斬無算上其功改亳州萬戶從左丞董文炳由海道會伯顏次臨安近郊取宋主稱臣表來上師還授江東道宣慰使聞宋益王昀世傑等復立衛王于海上閩廣響應帝命宏範爲蒙古漢軍都元帥往征之陛辭賜錦衣玉帶宏範不受以劍甲爲請帝出武庫劍甲聽其自擇且曰劍汝之副也不用命者以此誅之將行薦李恆爲副至揚州選將校水陸分道而南以弟宏正爲先鋒戒曰選汝驍勇非私汝也軍法重我不敢以私撓公宏正所向克捷進攻三江寨寨據隘乘高兵皆持滿以待宏範令下馬治朝食若將持久者忽麾軍連攻他寨迴擣三江盡拔之至漳州軍其東門命別將攻西南乃

乘虛禱其北門拔鮑浦寨瀕海郡邑皆望風降附宏正執
宋丞相文天祥于五坡嶺使之拜不屈宏範義之待以賓
禮送至京獲宋禮部侍郎鄧光薦命子珪師事焉由潮陽
發船入海道至甲子門獲宋斥候將知衛王所在進次厓
山宋軍結大舶千餘碇海中中艦而外舳四周起樓櫓如
城橫亘百餘里厓山東西對峙其北水淺舟膠非乘潮不
可進宏範由山之東引舟轉南入大洋始得逼宋舟且出
騎兵斷汲路燒其宮室世傑有甥在宏範軍中三使招之
不應李恒自廣州至授以戰艦二使守北面將戰或請先
用礮宏範曰礮起則舟散吾分追非所利不如戰也乃四
分其軍令恒等軍東南北三面宏範自將一軍居西南與
宋軍相去里許令曰宋舟東艤厓山潮退必南遁急攻之
勿令去聞吾樂作乃戰先麾北軍乘潮出戰不克恒等順

氏姓譜

卷八

七陽

張氏

七

潮退樂作宋將以爲且宴氣少懈宏範舟師犯其前豫構
戰樓于舟尾以布幙障四匝之俾將士負盾而伏令曰聞
金聲起戰飛矢集如蝟伏盾者不動舟將接鳴金撤幙弓
弩火石交發頃刻並破七舟宋臣陸秀夫先沉妻子抱衛
王曰官家事急矣遂赴水死從死者十萬餘人嶺海平宏
範磨厓山之陽勒石紀功而歸入朝賜宴內殿慰勞甚厚
未幾瘴癘疾作病甚沐浴易衣冠扶掖至中庭面闕再拜
退坐命酒作樂與親故言別出所賜劍甲付子珪曰汝父
以是立功汝佩服勿忘語竟端坐而卒年四十三延祐六
年加封淮陽王諡曰獻武

張宏曷字仲傑嘗從父柔鎮杞徙亳權順天萬戶從征四
川憲宗以其幼賜錦衣還鎮李璫反宋夏貴乘虛奪亳滕
徐宿邳滄濱七州新蔡符離蘄利津四縣宏畧率戰船過

之渦口貴退保斬更發亳軍攻之宋兵焚城宵遁盡復所
陷州縣瓊誅追問當時與瓊通書者獨宏畧書皆勸以忠
義事得釋俾解兵柄宿衛京師及城大都佐父爲築城總
管城成授淮東道宣慰使尋移江西饒州盜起犯都昌宏
畧謂饒非吾屬然與南康止隔一湖此寇不滅則吾境必
有相扇起者乃使人直禱其巢生縛賊首磔于市令曰不
操兵者皆爲平民一無所問頃之以疾歸亳有讒貴臣子
在江南買田宅樂而忘歸者詞連宏畧或曰公未嘗在江
南宜入見自辨宏畧曰辨之則言者獲譴矣吾寧稱疾家
居後見上于龍虎臺請曰臣之子玠長矣願備宿衛世祖
賜之酒且曰卿年未老何遽謝事命爲河南參政卒追封
蔡國公諡曰忠毅

張珪字公端宏範之子也少能挽強命中嘗從父出林中
氏姓譜

卷八

七陽

張氏

七

遇虎珪抽矢直前虎人立射洞其喉一軍皆驚世祖至元
中宏範平廣海宋禮部侍郎鄧光薦將赴水死宏範救而
禮之命珪受學光薦嘗遺書一編目曰相業語珪曰熟此
後必賴其用年十六攝管軍萬戶鎮建康奏曰臣年幼軍
事重有聶禎者從臣父祖久歷行陣幸以副臣帝曰求老
成自副常見不知出此厚賜遣之太平宣徽羣盜起行省
檄珪往討士卒數爲賊敗卒有殺民家豕而並傷其主者
珪曰此軍之所以敗也斬其卒悉平諸盜成宗卽位遣珪
巡行川陝已遷浙西廉訪使劾劾郡長吏以下三十餘人府
史胥徒數百徵賕巨萬計拜南臺御史中丞因上疏極言
天人之際災異之故其目有修主德廣言路進君子退小
人信賞必罰減冗官節浮費以法祖宗成憲累數百言兼
劾大官之不法及近侍之熒惑者不報卽謝病歸武宗初

召爲太子詹事辭不就尙書省立中外洵懼中丞久闕官
時仁宗在東宮曰必欲得真中丞非張珪不可召入內臺
仁宗將立皇太后用陰陽家言令卽位隆福宮法駕已陳
珪獨言當御大明殿御史大夫止之曰議已定雖百奏何
益珪曰未始一奏詎知無益趨入奏帝悟從其言旣卽位
親解御衣賜之明日復召謂曰朕欲賜卿寶玉非卿所好
乃以悅拭面額納珪懷曰朕澤之所存朕心之所存也拜
樞密副使後政院使失烈門請以洪城軍隸興聖宮而已
領之以上旨移知樞密院衆承命珪固不肯署事遂不行
延祐二年拜中書平章政事請減煩冗還有可以清政府
專幸職帝欲以教坊司曹咬住爲禮部尙書珪曰伶人爲
崇伯何以示後世方諫止之皇太后欲右丞相鐵木迭兒
爲大師萬戶別薛參知行省政事珪曰大師論道經邦非

氏姓譜

卷之

七陽

張氏

七

其人不可任別薛無功安得爲外執政車駕度居庸失烈
門傳太后旨召珪切責杖之劄甚輿歸明日遂出園門時
珪子景元掌符璽日侍宿衛至是以父病乞還帝驚曰來
時卿父無恙景元頓首涕泣不敢言帝不懌遣使賜珪酒
進位大司徒謝病家居者數歲六年七月帝憶珪生日錫
上尊御衣英宗初立召見于易水上曰四世舊臣朕將畀
卿以政珪辭歸丞相拜任問曰宰相之職何先珪曰莫先
于格君心莫急于廣言路是冬起爲集賢大學士先是鐵
木迭兒以私怨殺蕭拜任楊彖兒只賀勝等會地震風烈
珪獨抗言其冤聞者失色未幾仍拜平章政事英宗遇弒
逆臣鐵失等夜入都門坐中書燹制奪符印珪密疏賊黨
罪不可逭旣皆伏誅惟鐵木迭兒子鎖南議遠流珪曰于
法強盜不分首從發塚傷屍者亦死鎖南親斫丞相拜住

臂尙欲活之耶盜竊仁廟金主時參知政事馬刺兼領太常禮儀使當遷左丞珪曰太常奉宗祏不謹當待罪而反遷官何以謝在天之靈命遂格奏定元年六月車駕在上都以災異詔百官集議珪極論時政得失與左右司員外郎朱文瓚詣上都奏之帝不從未幾病增劇詔常見免拜跪賜小車得乘至殿門帝始開經筵命珪領之珪進翰林學士吳澄等備顧問自是辭位甚力進封蔡國公別刻印爲賜二年夏得旨暫歸明年春遣使召珪期于必見珪至帝曰卿來時民事如何對曰臣老少賓客不能遠知真定保定河間臣鄉也民飢甚朝廷雖賑以金帛未及者十五六帝惻然敕有司畢賑帝察其眞病得旨還家四年十二月卒遺命上蔡國公印嘗自號曰澹菴

張景武珪子也襲萬戶當文宗初立時上都兵犯紫荊關

氏姓譜

卷八

七陽

張氏

七

守闕兵南走保定肆剽掠景武等率民丁持挺擊死潰兵數百人宣徽使也先捏至保定指爲亂殺景武等兄弟五人籍其家並取珪女爲妾御史臺言珪父祖三世爲國勲臣今也先捏不俟命擅殺其五子卽使珪子有罪珪之妻女何罪旣籍其家又取其女非國家厚遇勲臣之意帝是之命還其女

張起巖字夢臣其先章邱人高祖迪以右監軍權濟南府事徂家焉起巖母邱氏方娠有蛇長數丈入榻下已忽不見遂驚而誕幼隨父四川儒學提舉範學家貧下帷教讀嘗躬致米百里外以養父年弱冠以察舉爲福山教諭中延祐首科進士第一除同知登州事特旨改集賢修撰俄選爲監察御史中書參政楊廷玉以賄敗臺臣遵旨就廟堂逮之下吏丞相倒刺沙疾其摧辱同列悉誣臺臣罔上

罪欲寘重辟起巖以新除免卽抗章三上不報起巖爭愈
力帝感悟事得釋累拜太子贊善轉禮部尙書文宗親郊
起巖充大禮使導帝階降步武有節帝嘉悅賜賚優渥命
參議中書省事寧宗崩有妄男子上變言部使者謀不軌
按問無實法司援唐律告叛者不反坐起巖奮謂同列曰
方今嗣君未立人情危疑不亟誅以杜奸謀慮妨大計趣
法司具獄人心肅然中書方列坐銓選起巖薦一士可用
丞相不應起巖卽攝衣起丞相以爲忤已調翰林侍講學
士兼修三朝實錄已轉燕南廉訪使滹沱河水舊爲直定
害起巖請封河神爲侯爵而移文責之復修其隄防淪其
湮鬱水患遂息尋擢翰林學士承旨丞相別兒怯不花爲
臺臣所劾去位未幾再入諷詞臣言臺章非是起巖執不
可聞者壯之拜御史中丞論事剴直無顧忌與時宰多不
合

氏姓譜

卷八

七陽

張氏

七

合會修宋遼金三史再命入翰林爲承旨充總裁官起巖
熟于累朝典故史官有露才自是者每立言未當起巖據
理窟定深厚醇雅理致自足史成年始六十五遂乞歸卒
之日清貧如故謚文穆先是至元乙酉三月乙亥太史奏
文昌星明文運將興時世祖行幸上都明日丙子皇孫降
生于儒州是夜起巖亦生其後皇孫踐阼爲仁宗始設科
取士及廷試起巖居第一論者以爲非偶然也起巖博學
能文善篆隸有華峯漫稿華峯類稿金陵集各著藏于家
張孔孫字夢符其先出遼之烏古部爲金陵所并遷隆安父
之純官東平萬戶府參議夜夢謁孔廟得賜嘉果已而生
子因名孔孫旣長以文學著辟萬戶府議事官至元初擢
太常奉禮郎廉希憲居政府辟爲掾尋出爲南京總管府
判官歷拜侍御史行御史臺事直聲大起安童復入相言

于帝曰阿合馬顯政十年親故迎合往往驟進據顯位獨
劉宣張孔孫恬守故常始終如一乃除宣吏部尚書孔孫
禮部侍郎督修安山河成孔孫言開魏博之渠通江淮之
運古所未有賜名會通河已擢燕南按察使名拜集賢大
學士丞相完澤卒孔孫與陳天祥上封事薦和禮霍孫可
爲相會地震詔問弭災之道孔孫條對入事帝悉嘉納之
又累疏言凡七十致仕者宜加一官丁憂服闋者宜待起
復宿衛之員必當革去旨濫州郡之職必當遴選久任達
魯花亦宜量加遷轉再如增給官吏俸祿修建京師廟學
設國子生徒給賜曲阜孔廟洒掃戶相位宜參用儒臣不
可專任文吏故相安童伯顏和禮霍孫廉希憲等各宜予
贈諡多允行久之請老致仕成宗大德十一年卒于家孔
孫素負文望且善琴工畫山水竹石

氏姓譜

卷八

七陽

張氏

其

張養浩字希孟濟南人自幼有行義嘗旦出遇有遺楮幣
于道其人已去急追還之年十歲卽讀書不輟父母憂其
過勤晝則默誦夜則閉戶張燈竊讀以才行薦爲東平學
正游京師獻書平章不忽木大奇之累辟臺省祿一日病
平章親至其家問疾四顧壁立嘆曰此真臺榭也後授堂
邑尹毀淫祠三十餘所罷舊盜之朔望來參者曰彼皆良
民飢寒所迫不得已爲此旣加之刑猶以盜目之豈非絕
其自新之路衆感泣相戒曰願勿負張公至大初拜監察
御史武宗將親祀南交不豫遣大臣往代忽風烈人多凍
死養浩復揚言曰代祀非其人故天示之儆大忤時相意
時尙書省得選用臺官養浩嘆曰尉專捕盜縱不稱職使
盜自選可乎遂疏時政十弊言皆切直當國者不能容改
翰林待制尋構以罪戒省臺勿復用養浩恐及禍變姓名

遁去及尙書省罷始名爲右司都事遷秘書少監仁宗延
祐設科以養浩爲禮部侍郎知貢舉諸進士詣謁不納且
曰諸君但思報國奚勞謝爲已擢西臺治書侍御史英宗
欲以元夕張燈內庭爲鰲山養浩諫曰世祖臨御三十年
每元夕間閭之門燈火有禁况闕庭之嚴宮掖之邃尤當
戒愼帝大怒旣而喜曰非張希孟不敢言以父老棄官歸
養自是七詔皆不起文宗天歷二年關中大旱飢人相食
特起西臺中丞慨然就道禱華山嶽祠泣拜不能起天忽
陰翳一雨二日及到官復禱于社壇大雨水深三尺禾黍
自生時斗米十三緡民持鈔往糴鈔稍昏卽不用詣庫倒
易累日不能得民大困養浩檢庫中未毀昏鈔悉以印識
其背又刻十貫五貫爲券給貧民命米商視印記詣庫驗
數易與新鈔又奏行納粟補官之令聞長安民賈海殺子

氏姓譜

卷八

七陽

張氏

七

以啖母慟失聲且命出其肉徧示閣府官屬責其不能賑
貸到秦四月止宿公署夜禱于天晝則賑飢日不勝給每
撫膺慟哭遂得疾不起追封濱國公諡曰文忠

張禎字約中汴梁人順帝元統元年進士辟河南行省掾
初娶祁氏祁生貴家頗驕縱見禎貧不爲禮踰月卽出之
祁兄訟于官且汚禎以它事左右司官聽之禎移疾不出
行省平章月魯帖木兒怒曰禎剛介士豈汝曹所當議者
令郎中虎者禿謁謝乃起踰年除高郵縣尹守城千戶妻
崔氏爲其妾所譖虐死其鬼憑七歲女詣縣訴死狀且言
屍瘞舍後禎卽其所發得之皆引伏至正八年拜監察御
史劾太尉阿吉刺欺罔之罪並言明里董阿也里牙月魯
不花皆陛下不共之仇伯顏賊殺宗室嘉王郊王一十二
口稽之古法當伏門誅而其嬖子兄弟尙仕于朝宜急加

誅極別見法不花阿附權姦亦宜遠竄今災異迭見盜賊
蜂起海寇敢手要君閩帥敢于玩寇若不振舉恐有唐末
藩鎮噬臍之禍不聽及紅巾賊毛貴陷山東禎上疏不省
權臣惡其訐直除僉山南道事方是時毛貴勢逼京畿而
索羅帖木兒駐大同察罕帖木兒駐洛陽方以爭晉冀爲
事朝廷遣中書參政也先不花樞密副使脫脫木兒侍御
史叟叟往解既受命不前進禎言其貪懦庸鄙苟懷自安
無憂國致身之義朝廷將使二家釋憾協心討賊此國之
大計理宜風馳電走而乃迂回觀望枉道延安以西繞曲
數千里遲遲而行使兩軍日夜構難自相仇殺實此三人
誤國所致宜急正其罪以救時危亦不報禎慨然曰天下
事不可矣卽辭去居安邑山谷間結茅僅容膝有訪之
者不復言時事孛羅帖木兒稱兵犯闕皇太子奔冀寧奏

氏姓譜

卷八

七陽

張氏

五

除贊善不起擴廓帖木兒將挾太子入定亂且謀內禪遣
使傳懷宮旨賜以上尊且訪時政禎復致書擴廓帖木兒
聽其說是用事克有成後三年卒

張晉亨字進卿冀州南宮人兄顥爲金棗強令以冀州數
道之衆附嚴實于青崖後從實來歸西征戰沒晉亨襲顥
職自幼涉獵書史小心畏慎實器之以女妻焉實卒其子
思濟奏晉亨權知東平府事歷七年吏畏民安憲宗卽位
從入覲時有旨令常賦外歲出銀六兩謂包採錢諸道長
吏有輒請試行者晉亨與鄭中王玉汝面責之曰諸君職
在親民民之利病且不知乎今天顏咫尺知而不言釋也
承命而歸事不克濟罪當何如且五方土產各異隨其產
爲賦則民便而易足必責輸銀雖破民之產勢有不能辨
者明日召見如其言以對帝是之得減戶額二之一仍聽

民各輸他物定爲制授晉亨恩州管民萬戶世祖中統四年命將本道兵戍宿州首言汴堤南北沃壤閒曠宜屯田資軍乃分兵列營以時種藝選千夫長督勸之期年大收其利尋改滎萊路總管兼軍事從伐宋伯顏留之戍鎮江獸焦山瓜洲皆有功以疾卒于官

張好古勇而有謀方父晉亨權府事時嚴忠濟以好古權其父軍戍宿州後授行軍千戶攻樊城身中流矢不少却畧揚州狗泰興海門而還已分戍蘄州李壇叛宋人來攻蘄好古引兵迎擊力戰死時晉亨在濟南軍中聞之曰吾兒得死所矣

張昉字顯卿東平汶上人父汝明金經義進士官至治書侍御史昉性鎮密遇事敢言以任子試補吏部令史金亡還鄉里嚴實行臺東平辟爲掾鄉人有犯左道惑衆者事

氏姓譜

卷八

七陽

張氏

七

覺速捕星誤其衆諸僚佐莫敢言昉獨別白出數百人實才之進幕職時兵後吏雜進不習文法東平民衆事繁簿書填委漫無統紀昉坐曹躬閱案牘左酬右答事無留滯權東平府事以疾辭家居養母世祖至元中屢任中書左右司郎中昉有識慮損益古今裁定典憲盡協時宜累官兵刑部尚書卒封東平郡公諡曰莊憲

張庭珍字國寶臨潢金州人父楫金商州南倉使籍其民數千來降太宗命爲北京都轉運使因家焉憲宗卽位以庭珍爲必閣赤高麗不請命徙居江華島遣庭珍詰問其王言臣事未嘗不謹大軍歲入侵掠避而走險非得已歸以狀聞帝爲禁戍兵無擅入其地高麗以安世祖自將北伐以庭珍熟知西京入漠南路遣立沙井諸驛至元六年安南入貢不時以庭珍爲安南國達魯花赤由吐番大理

至其地安南世子光嗣立受詔庭珍責曰皇帝不欲以汝
土地爲郡縣而聽汝稱藩遣使諭旨德至厚也王猶與宋
爲唇齒妄自尊大今百萬之師圍襄陽拔在旦夕席捲渡
江則宋亡矣王將何恃且雲南兵不兩月可至汝境覆汝
宗祀有不難者光晒恐下拜受詔明年遣使隨入貢庭珍
見帝具以對帝大悅命宣付翰林紀其事累遷開封府尹
河決太康漂溺千里庭珍括商人漁人船及縛木爲筏載
糗糧四出拯救全活者衆人入善利門親督夫運薪土捍
之不能止乃頽城爲堰水旣退卽發民墉外防百三十里
人免水憂俄卒于官庭珍性清慎丞相伯顏嘗語人曰諸
將渡江無不荒貪惟我與國寶始終自守聞者以爲知言
張庭瑞字天表以宿衛從憲宗伐蜀爲先鋒中統二年授
元帥府參議留戍青居山諸軍攻開州達州庭瑞將兵城

氏姓譜

卷八

七陽

張氏

牛

虎嘯山拒二州要路宋將夏貴以師數萬圍之城當礮皆
穿築柵以守柵壞更依大樹張牛皮以拒礮貴知城中
人飲于澗外絕其汲道庭瑞取人畜溲洩之瀉上中以洩
臭人日飲數合唇皆裂已度宋兵稍懈夜劫貴營宋兵驚
潰殺都統欒俊等五人庭瑞亦被數創以功授高唐知州
歷任四川蠻彝部宣慰使碣門羌入市忽爭價殺人碣門
魚通使繫其人羌首怒斷繩橋謀入劫左丞汪惟正問計
庭瑞曰羌性悍以鬪殺爲勇今如蜂毒一人而卽以門庭
之寇待之不可宜遣使往諭彼悟當自回矣惟正曰使者
無過于君遂從數騎抵羌界語曰殺人償死羌與中國之
法同有司繫諸人欲爲證耳奈何卽肆無禮其渠長棄槍
弩羅拜曰近者生裂羊脾卜之其兆曰有白馬將軍來可
不勞兵而罷今公馬果白敢不從命遂與約自今交市者

以獨門爲界無相出入都掌蠻叛善飛槍聯松枝爲牌自
徹庭瑞往討射矢出其牌半幹蠻驚曰何物弓矢如此之
利卽請服改潭州路總管時湖廣省臣方剝民爲功庭瑞
知不可挽乃辭歸居三年卒初庭瑞之屯青居也其土多
橘時中州艱得蜀藥其價倍常庭瑞謀閑卒日入橘皮數
升人莫曉也賈人有喪其資不能歸者人給橘皮一石竟
得錢以濟家有愛妾一日見老人來與語乃其父也妾以
告庭瑞名視之貌似問欲携歸否其人以不敢謝庭瑞曰
汝女居吾家不過羣婢歸家則良人矣盡取奩裝書券還
之時人以爲難

張立道字顯卿其先陳留人後徙大名父善金進士以策
于太弟拖雷命爲必閣赤立道年十七以任子備宿衛世
祖至元四年奉使西夏還會皇子忽哥赤封雲南王將之
氏姓譜

卷八

七陽

張氏

八

鎮詔以立道爲王府文學尋奉使安南定歲貢還時雲南
都元帥寶合丁專制久陰有籀據心忌王來因設宴置毒
酒中且賂王相濶濶帶令無泄立道聞之趨入門者拒王
聞其聲使名之入爲王言王引其手探口中肉已腐是夕
王薨立道潛結義士十三人約共討賊推一人往京師告
變事露寶合丁囚之獄將殺之人匠提舉張忠者燕人也
于立道爲族兄結壯士夜劫獄出其亡至此蕃界遇帝所
遣御史大夫博羅歡吏部尙書別帖木兒與告變人俱至
遂與立道共還滇按寶合丁及王府官受賂者皆伏誅名
立道等入朝問王薨狀帝歛歔久之曰汝等爲我家事甚
勞苦今欲事朕乎立道等奏願留事陛下于是賜立道金
五十兩以旌其忠張忠等皆授官八年復使安南宣建國
號詔立道並黑水跨雲南至其國歲貢之禮始定十年中

書以立道熟于雲南奏投大理等處巡行勸農使其地有
昆明池介碧鷄金馬間環五百餘里夏潦暴至必冒城郭
立道求泉源所出役丁夫千人治之洩其水得壤地萬餘
頃皆爲良田鬱燹人雖知蠶桑未得法立道始教之飼養
收利十倍于舊盧鹿諸蠻慕之相率來降分其地爲郡縣
十五年除中慶路總管先是雲南未知尊孔子祀王逸少
爲先師立道首建廟學擇蜀士之賢者迎爲弟子師歲時
率諸生行釋菜禮人習禮讓風俗少變尋命爲臨安廣西
道宜撫使會禾泥路首領必思反扇動諸蠻發兵拔其城
邑鼓行而前徇金齒甸七十城越麻甸抵可蒲皆下之以
馴象金鳳獻諸朝又籍兩江儂土貴岑從毅李維屏所部
二十五萬戶歸有司復創廟學于建水路風化大行二十
七年安南世子陳日燁遣陪臣詣闕告哀且請襲爵先是

氏姓譜

卷八

七陽

張氏

八

其主陳日烜累名不至僅遣族叔遣愛入覲朝廷因封遣
愛爲安南王日烜陰害之遣使問罪不服討之戰失利帝
怒欲再發兵丞相完澤等言遐輒小邦不足以勞天伐張
立道嘗再使安南有功今使復徃宜無不奉命者帝召至
立道辭曰臣愚恐不足專任願爲副帝曰卿朕腹心臣使
一人居卿上必敗卿謀遂授禮部尙書以行至界謂郊勞
者曰汝世子當出郭迎詔日燁率屬焚香伏謁道左旣抵
府拜跪聽詔如禮立道傳上命數其罪爲書曉之日燁曰
此三世辱公使公大國之卿小國之師也何以教我立道
以好言訓之日燁拜且泣曰公言良是天子使公來必能
活我誓死不敢忘天子德遂迎立道入出奇寶爲賄拒不
受但要日燁入朝日燁曰貪生畏死人情也誠有詔貸以
不死臣將何辭乃先遣其臣隨立道上表盡獻前六歲所

當貢物廷臣有嫉其功者謂必先朝而後赦日燔懼卒不
至明年出爲四川道宣慰使皇曾孫松山封梁王出鎮雲
南廷議求舊臣可爲王輔者復以立道爲雲南參政視事
期月卒土人德之立祠鄩闡城西所著詩文有效古集平
蜀總論安南錄雲南風土記六詔通說若干卷

張榮字世輝濟南歷城人貌奇偉嘗從軍爲流矢貫背不
得出令人以足抵其額拔之神色自若金季羣盜起榮率
鄉民據濟南覺堂嶺衆稍盛遂畧章邱鄒平濟陽長山及
淄州之地盡有之兵至則清野入山歲丙戌東平順天皆
內屬榮始舉兵與地來納款太祖問以孤軍數載獨抗王
師之故對曰山東地廣人稠悉爲帝有臣若但有倚恃亦
不歛服太祖拊其背壯之命知濟南府事時貿易用銀民
爭發冢墓劫取榮下令禁絕太宗集諸侯議取沐榮請先

氏姓譜

卷八

七陽

張氏

三

六軍以清蹕道帝嘉之軍至河榮率死士胥濟守者潰詰
旦敵兵整陣至榮馳之望風披靡抵北岸濟師衆軍繼
進乘勝破張盤二山寨俘獲萬餘人大將阿朮魯恐生變
欲盡殺之榮力爭而止從攻睢陽議欲殺俘者烹其油以
灌城又力止之旣而城下榮單馳入城撫其民河南民北
徙至濟南榮下令民間分屋地與居俾得樹畜且課其殿
最曠野闢爲樂土考績爲天下第一李璫據益都私餽以
馬蹄金榮曰身旣許國何可擅交鄰境却不受世祖卽位
封濟南郡公卒年八十三

張礎字可用其先渤海人父範爲真定勸農官因家焉礎
業儒平章廉希憲薦于世祖潛邸時真定爲諸王阿里不
哥分地王以礎不附已銜之使言于世祖曰張礎我分地
中人當以歸我世祖復曰兄弟至親寧有彼此且我方有

事于宋如礎者實所倚任待天下平定自遣還也從世祖
伐宋凡徵發軍旅文檄悉出其手初立中書省以礎權左
右司事尋出爲彰德路拘權官後知威州有婦人乘驢過
市投下官暗赤之奴引鳴鏑射之墜地奴走匿主家礎將
以事聞暗赤懼乃出其奴論如法已爲江南浙西道副使
時宣慰使失里貪暴掠良民爲奴礎劾黜之遂安縣民聚
衆負險爲亂命礎與浙西宣慰同知劉宣往討宣銳欲進
兵礎曰江南新附守吏或失撫綏宜遣人招之以全衆命
宣不可礎曰招之不來加誅未晚遂遣人往諭逆黨果自
縛請罪礎釋之宣乃嘆服遷嶺南廣西道按察使廣西宣
慰使也里脫強奪民財礎按其罪尋改安豐路總管卒于
官追封清河郡公諡曰文敏

張寬河南武陟縣尹禾將熟有蝗自東來寬仰天祝曰寧
氏姓譜

卷八

七陽

張氏

命

殺縣尹毋傷百姓俄有黑鷹羣飛啄食之蝗患遂息

張特立字文舉曹州東明人初名永避金衛紹王諱易今

名登泰和三年進士第授萊州節度判官不赴躬耕杞之

韋城談經自樂正大四年以薦拜監察御史屢劾權貴當

路者忌其直左遷邳州軍士判官金亡優游田里日與門

弟子講學世祖在潛邸首傳旨曰前監察御史張特立養

素邱園易代如二今年幾七十研究聖經誨人不倦無過

不及學者宗之宜錫嘉名以光潛德可特賜號曰中庸先

生令趙寶臣詣其家存問且名其讀書之堂曰麗澤旣卽

位復降璽書褒諭卒年七十五中統二年詔曰中庸先生

學有淵源行無瑕玷雖經喪亂不改故常未遂邱園之責

俄興寇宄之悲可復賜前號以彰寵數素通程氏易所著

有易集說歷年繫事記

張頌字達善其先蜀之導江人蜀亡僑寓江左金華王柏得朱熹三傳之學講道上蔡書院頌從而受業焉自六經語孟傳註以及周程張邵之微言朱子所嘗論定者靡不潛心玩索究極根柢久而不懈所學益宏深微密南北士鮮能及之世祖至元中行臺中丞吳曼慶聞其名延致江寧學官中州士大夫皆遣子弟從游或聞私塾迎之其在真州來學者尤衆遠近翕然尊之稱曰導江先生以薦朝命爲孔顏孟三氏教授著釋奠儀註取朱文公所考訂自儀禮開元禮而下裒爲一編命學徒肄習且與講說義數使之入耳著心旣知義理之安將不期改而自改併附社稷風雨雷之祀庶幾好禮者有取焉若夫器樂冠服之度則又博采諸家之說從其是者與此篇併藏孔氏俾後來之文獻足徵云頌氣宇端重音吐洪亮講說特精詳于弟

氏姓譜

卷八

七陽

張氏

五

從之者說說如也其及門知名者甚多夾谷之奇楊剛中尤顯卒無子有經說及文集行世吳澄序其書以爲議論正援据博貫穿縱橫儼然新安朱氏之尸祝也至正中真州守臣以頌郝經吳澄皆常留儀真作三賢祠祀焉

張樞字子長婺州金華人幼聰慧外家潘氏蓄書數萬卷齋書院山長終福建儒學副提舉著易象圖說三卷大易象數鉤深圖三卷至正二十四年貢師泰序其書傳于世張樞字子長婺州金華人幼聰慧外家潘氏蓄書數萬卷樞盡取讀之過目輒不忘旣長肆筆成章頃刻數千言有問以古今沿革政治得失宇宙之分合禮樂之興廢以至帝號官名歲月先後歷歷如指掌爲文務推明經史以扶翼世道尤長于紀事嘗取三國時事撰漢本紀列傳附以魏吳載記爲續後漢書七十三卷以正陳壽之失是升予

奪咸有論斷繫各篇之後名曰訓志臨川危素稱其立義
精密可備勸講朝廷取其書寘宣文閣順帝至正初徵修
三史以翰林修撰官辟名不就使者強之行至杭州固辭
歸嘗著春秋三傳歸一義三十卷刊定三國志六十五卷
林下竊議一卷歌詩雜著名敝帚編

張雨錢唐道士居茅山素善詩自號句曲外史虞集一見
絕不與談詩但問能作幾家符篆雨曰不能集曰某試書
之以質是否連書七十二家雨輒下拜稱弟子終身

張翥字仲舉晉寧人父爲安仁尉後調杭州鈔庫使因家
焉少負才豪放不羈好蹴踘喜音樂不以家業屑意父深
以爲憂一旦翻然曰大人勿憂今請易業矣乃謝客閉門
讀書晝夜不輟時李存家安仁雅好古文辭翥從之受業
多所研究未幾留杭州又從仇遠學遠于詩最高翥得其
氏姓譜

卷八

七陽

張氏

六

聲律之奧遂以詩文鳴于時後至元末同郡傅巖起居中

書薦翥隱逸授國子助教分教上郡尋退居淮東會修宋

逸金三史起國史院編修官史成歷應奉修撰累遷翰林

侍講學士兼祭酒翥勤于誘掖絕去崖岸有質以經義者

必歷舉衆說爲之折衷每論辨輒雜以談笑無不厭其所

得後已嘗詣中書議時政衆論蜂起翥獨默丞相撻思監

曰張先生平日好論事何不一語對曰諸人之議皆是

但事勢有緩急施行有先後在丞相自決耳以翰林學士

承旨致仕當亭羅帖木兒之擁兵入都也強翥草詔劄奪

擴廓帖木兒官爵且發兵致討翥不從或勸之翥曰吾臂

可斷筆不能操也亭羅旣誅詔以翥爲河南平章仍翰林

承旨致仕給全俸終身卒年八十二翥長于詩其近體長
短句尤工文不如詩而每以文自負嘗語人曰吾于文已

化矣蓋吾未嘗構思特任意屬筆耳他日學士沙刺班示以文請易置數字苦思移時不就沙刺班曰先生于文豈猶未化邪何思之苦也因相視大笑翥平日善諧謔談吐至傾一座所爲詩文甚多及死國遂亡以故遺稿多不傳傳者有蛻庵樂府僅三卷

張憲字思廉山陰人別號玉筍生負才不羈嘗赴京師劄言天下事衆駭其狂還入富春山混緇黃以自放張士誠據吳辟爲都事吳亡變姓名走杭州旦暮手一編人不得窺死後視之其生平所作詩也楊維禎曰吾鐵門稱能詩者南北凡百餘人求其似憲者不能十人有玉筍集皆懷古感時之作

張樞字夢辰陳留人徙家華亭築室曰讀書莊與諸弟倡和爲樂兼工行楷貝瓊作傳云陳留張氏子夢辰居華亭

氏姓譜

卷八

七陽

張氏

七

之城東門日與弟子數十輩講春秋或勸之仕不應人以是高之稱曰林泉民年八十餘乃終

張昱字光弼廬陵人早游湖海爲虞集張翥所知累官杭省左右司員外郎日以詩酒自娛超然物表後棄官歸張氏禮致不屈策其必敗題蕉葉以寓志居西湖每放舟湖心把酒扣舷自歌其所爲詩笑曰我死埋骨于此題曰詩人張員外墓足矣自號可閒老人年八十三終有左司集張體字孟膚江陰人隸書學李重光金錯刀法時作顛掣勢雙鉤亦純熟

張仲壽字希靜號疇齋錢塘人官翰林學士承自行草宗羲獻甚有典則亦工大字

張衡字士衡樂履人官中書省員外郎草書師張長史又

善山水墨竹

張遠字梅巖工山水人物潛補古畫無出其右臨摹亦能亂真

張桓字彥威真定藁城人父木知汝寧府因家焉桓以國子生釋褐累官西臺御史以言事不合去劉福通陷汝寧桓避居確山賊久知桓名襲獲之羅拜請為帥弗聽囚六日擁至渠魁前桓據榻坐與之抗論順逆其徒粹桓起跪桓仰天大呼叱益厲且屢唾賊面賊猶不忍殺謂曰汝但一揖亦恕汝死桓瞋目曰吾恨不能斬汝首肯聽汝誘脇而折腰哉賊知終不可屈遂刺之後語人曰張御史真鐵漢害之可惜追贈禮部尚書諡曰忠潔

張庸字存中真定人後家温州精太乙數遭世亂以策干進經畧使李國鳳奇之及赴京進太乙數圖歷官刑部尚書領團練守房山駱駝谷會諸寨皆降遣從事段禎求援

氏姓譜

卷八

七陽

張氏

八

不報寨民執庸出見主將庸不屈與禎同見殺

張正蒙山陰人嘗以吏為湖州德清稅務提領母喪廬墓南紹興兵變正蒙謂妻韓氏曰吾曾為元朝臣子于義當死韓曰君果死忠吾必死節遂相對自縊其女池奴年十七泣曰父母既死吾獨何生遂投身深崖中次女越奴日匿山中夜守戶側竟餓而死

張子夔安西人父喪每夜半以背負土肘膝行地匍匐至葬所篩土為墳

張恭偃師人署薦房府案牘母老辭歸侍養歲凶恭夫婦採野蔬為食而營奉甘旨無乏母病恭手除溷穢喂哺飲食且嘗糞以驗病勢天歷初西兵至河南居民悉竄恭守視母病項中一劍不去母驚憚而沒居喪盡哀有馴兔之

瑞

張緝字士明益都膠州人性孝友能詩文至正七年與兄紳弟經同領鄉薦由澤州儒學正轉秦州幕職棄歸養親居揚州十五年揚州亂緝母方卧病賊突入卧內舉槍欲刺緝以身蔽母槍中緝脇三日而死

張紹祖字子讓潁州人讀書力學以孝行聞于朝特授河南路儒學教授至正十五年奉父避兵山間賊至執其父將死之紹祖泣請殺已以代父且曰若等獨非父母所生乎賊怒以戈逐之戈應手挫折因感而相謂曰此真孝子不可害乃釋之去

張閏延安延長人隸軍籍入世不異爨家人百餘口無間言日使諸女諸婦各聚一室爲女功工畢斂貯一庫室無私藏幼雅啼泣諸母見者卽抱哺一婦歸寧留其子衆婦共乳不問孰爲己兒兒亦不知孰爲己母也閏兄顯卒卽

氏姓譜

卷八

七陽

張氏

九

以家事付姪聚聚辭曰叔父行也叔宜主閏曰姪宗子也姪宜主相讓旣从卒以付聚縉紳之家自謂不如也

張懷德貴州知州也成宗大德五年遣右丞劉深將兵由順元征入百媳婦供億繁重人心惶惑土官宋隆濟激爲變懷德募民壯合官兵千餘與隆濟殊死戰衆寡不敵被擒蠻素服其名欲降之慷慨不屈死

張鳳儀任經歷亦從買住以孤軍深入爲賊所殺其于萬里痛父仇復率兵力戰破賊獲賊首剖其腹劈肝祭父而生啗之等補父官亦死于寇

張恒電白人官雷州千戶高涼徭賊寇城勢猖獗諸將有怯志恒曰恒實專戎衛民忍偷生誤國乎遂披甲躍馬出與賊戰劍戟如林恒奮臂殲賊不休竟以無援死

張友明吳川人至正九年海寇犯合浦攻珠崖宜慰使檄

化州路通判游宏道進兵會勦宏道以友明爲義士命卒
師追寇于澄邁之石礮港時寇糧盡死戰友明爲先鋒方
酣戰時俄而海南番兵赴水走寇乘勝四合諸兵皆潰友
明與宏道力戰死焉

張進九青田人世業農敦樸有至行至正十五年入都賊
起進九被縛使前誘眾降進九怒呼曰諸人速來殺此八
都賊賊加刃于頸命如已言卒不改竟被殺

張昇建陽人少穎悟年十二除正字積官江西儒學提舉
陳友諒據江西追取諸司印昇獨不從投印于井不食死
張遠永豐人世以貲自雄盜起馮陽所過剽掠遠欲保護
鄉里以大義激厲郡人合兵禦寇謀泄盜襲殺之

張仲仁濠人讀書尙氣節流寓泗州以賈魯名歸諭安豐
死之子順禮往諭安豐亦死焉世稱其父子完節

氏姓譜

卷八

七陽

張氏

平

張名德淄川人爲般陽路總管時天下州縣喪亂過半名
德日訓練其下無少怠嘗曰此地稍安以河爲之障賊兵
卒不能來今朝廷奏兵事者多留中不省萬一賊衆北渡
防禦稍疎吾輩死無地矣爾等歲糜廩粟當各存忠義要
使頭頸吃一刀以報國未幾劉福通果遣將毛貴引兵攻
山東連破膠萊益都鋒銳無敵名德力戰死焉

張士謙樂安人由南臺御史出知婺源州事明兵至拒守
五十餘日城陷被執先戮其妻仍加刃于頸脅之士謙曰
吾爲國忠臣豈愛身邪至死罵詈不絕

張宗演其先正一天師始自漢張道陵其後四代曰盛來

居信州龍虎山傳至三十六代宗演當至元十三年世祖
已平江南遣使召至命廷臣郊勞待以客禮及見語之曰
吾歲已未朕次鄂渚嘗令王一清往訪卿父卿父報朕曰

後二十年天下當混一神仙之言驗矣命坐賜宴特賜玉芙蓉冠組金無縫服號演道靈應冲和真人領江南道教仍給銀印命取其祖天師所傳玉印寶劍觀之語侍臣曰朝代更易不知其幾而此劍印傳子若孫尚至今日其果有神明相之乎特建天師正一祠于大都令宗演居之踰年請還山二十九年卒子與棣嗣與棣卒元貞元年弟與材嗣授太素凝神廣道真人潮嚙監官海益兩州爲患最甚與材畧施其術一夕大雨震電明早見有物魚首龜形者磔于水裔潮患遂息大德八年授正一教主主領三山符錄武宗至大初入覲加金紫光祿大夫封留國公改賜金印卒子嗣成嗣仁宗延祐三年加太虛輔化體仁應道真人掌道教如故

張留孫字師漢信州貴溪人少入龍虎山爲道士相者目氏姓譜

卷八

七陽

張氏

九

爲神仙宰相從宗演入朝世祖與語稱旨留侍闕下授江南諸路道教都提點世祖嘗親祠幄殿皇太子侍忽風雨暴至衆駭懼留孫禱之立止又嘗次日月山順聖皇后得危疾急召留孫請禱既而后薨有朱衣長髯從甲士導朱輦曰獸行草間覺而異之以問留孫對曰甲士導輦獸也臣所佩法籙中將吏也朱衣長髯者漢祖天師也行草間春時也中宮之疾其及春而瘳乎后命取所事畫像進觀之果如夢中所見帝大悅欲命爲天師留孫固辭不敢乃號爲上卿命尙方鑄寶劍以賜建崇真宮于兩京俾居之專掌祠事授元教宗師賜銀印又特官其父至江東道同知宣慰司事時天下大定世祖思與民休息留孫每待詔因論黃老治道貴清靜聖人在宥天下之旨深契上意上將拜完澤爲相命筮之得同人之豫留孫曰柔得位而進

乎乾君臣之合也豫利建侯命相之事也何吉如之帝意始決每歲于長春壽寧二宮命作醮事奏赤章于天或五七晝夜又嘗命祀星祭斗大德申加同知集賢院道敎事追封其三代皆魏國公武宗初召見升大真人知集賢院位大學士上尊加特進進講老子雅明謙讓之道仁宗卽位加開府儀同三司諭近臣曰累朝舊德僅餘張上卿耳賜號輔成贊化保運神德真君授玉邱英宗初命修法事于崇真宮至治元年卒其徒吳全節嗣

張志清金季道士劉德仁之裔徒也仁德五傳至酈希誠又三傳至志清其教益盛授演敎大宗師凝神冲妙元應真人志清事親孝尤耐辛苦制行堅峻東海珠牢山舊多虎志清結茅其上虎皆避徙然頗爲人害志清曰是吾奪其所也遂去之後居臨汾地大震城郭廬舍推壓死者不氏姓譜

卷八

七陽

張氏

七

可勝計獨志清所居裂爲二無少損朝廷重其名給驛致之掌敎事志清舍傳徒步至京師深居簡出時人罕識其面鏡畫爲圖以相傳焉

張康字汝安號明遠潭州湘潭人早孤力學旁通術數宋亡隱居山中至元十四年世祖遣中丞崔彧使南嶽訪隱逸彧見湖南參政崔斌言康學通天文地理彧還具以聞遣使召康與斌偕詣上都見帝親試所學皆驗授著作佐郎以內嬪松夫人妻之凡名對禮遇殊厚十八年康上奏歲壬午太一理良官主大將客參將囚直符治事正屬燕分來春京城當有盜兵事干將相者次年三月盜果起京師殺阿合馬等帝欲征日本命康推之奏曰南國甫定民力未蘇且今年太一無算舉兵不利遂罷兵嘗賜太史院錢分千貫與康不受衆服其廉人之乞歸田里優詔不許

官至秘書監丞

張國英延祐間爲華亭尹明敏於政時郡將恃世守凌虐有司欺害細民國英以法制裁之民藉以安

張焯濟南人幼穎悟力學世祖時歷官揚州鎮江東昌三路總管府達魯花赤所至吏民畏服上下安之後謝病歸卒謚敬惠嘗購書八萬卷以萬卷付濟南府學

張熠至元中知兗州事時州境亢旱吏民禱懇不雨熠至甘雨霑足屬邑有吏肆爲暴熠繩之以法民害遂息

張復烏程人爲秦州同知與趙孟頫姚式輩皆以文學知名當時號爲吳興八俊

張汝卿恩州人隱居不仕好蓄經史名其藏書之堂曰萬卷堂堂之右有文會齋四方賢士有來假閱其書則館于其中詔旌其名曰義士後書皆燬于兵時人惜之

氏姓譜

卷八

七陽

張氏

九三

張植字直翁開封人元統初進士爲高郵縣尹性剛介門無私謁拆豪強辨冤獄人稱爲神明詔拜監察御史上疏言禍亂之由不報卽辭官居河中安邑山谷間累徵不起張懋至元中吉州路總管惡衣糲食率之以儉慎刑平政處之以公新府治設義倉甚有惠愛流民歸者數千家及卒門巷哭不絕者三日且爲立祠

張旺舅霍邱人幼失父母陳氏居貧守志旺舅九歲賣錫以養及長母病無資延醫日夜痛哭禮天求代病遂愈自以生業微不能多給竟不娶以終母年縣令言于朝旌之

張耕邢州安撫時州有萬餘戶兵興以來不滿數百耕及副使劉肅善于綏撫流民復業遂陞邢爲順德府又興鐵冶行楮幣公私賴焉

氏姓譜卷八十八終

